

# *ESPIRITUHANONG KALAN-ON*

## *ALANG SA HUSTONG PANAHON*



Tuo lamang, tuo lamang,  
Tanang butang posible, tuo.

Unsa-on, karon ingon niining paagiha:

Karon mituo ko, karon mituo ko,  
Tanang butang posible, karon mituo ko;  
Karon mituo ko, karon mituo ko,  
Tanang butang posible karon, karon mituo ko.

Magpabilin ta karon sa pagtindog, uban sa pagduko sa atong mga ulo.

Ginoo, hinaut unta nga kini dili usa ka awit lamang, apan nag gikan gayud sa kinahiladman sa among kasing-kasing kami nanag awit, “Karon mituo na ako!” Ang mga tinon-an usa niana ka higayon miingon, pagka human ni Hesus ug buhat sa mga dagkong buhat, sila miingon, “Ginoo, mituo na kami karon.”

Si Jesus miingon, “Mituo na ba kamo karon?”

<sup>2</sup> Sila miingon, “Kami nagatuo nga Ikaw nasayud sa tanang mga butang ug nga wala na kinahanglana mga aduna pay tawo nga magatudlo Kanimo.” Busa, Amahan, niining gabhiona among naila nga wala Nimo kinahanglana ang among pagpanudlo, ang Imo maoy among gikinahanglan. Mao nga naga ampo kami nga Imong itudlo kanamo kung unsaon sa pag-ampo, unsa-on sa pagkinabuhi, ug unsa-on sa pagtuo. Itugot kini, Ginoo, pinaagi sa bulohaton niining gabhiona. Kung nakulangan man kami sa bisan unsang butang, ihatag kini kanamo, Ginoo. Kini among gihangyo sa Ngalan ni Jesus. Amen.

<sup>3</sup> Nasayod ako nga daghan kaninyo ang nagatidog na usab niining gabhiona. Ug, didto sa gawas, akong gikahinagbo ang mga nagtapok-tapok nga nanag-ingon nga dili na sila makasulod, ug nga maminaw na lamang sila sa ilang mga radyo diha sa ilang mga nagkalainlaing mga sakyanan. Ug karon atong paningkamotan ang pagbuhat sa labing madali kutob sa atong mahimo niining gabhiona, karong Domingo sa gabii, igahin ta kini alang sa pagpangampo sa mga masakiton, aduna kitay mga pag-ampo diha sa mga naglinya mahimong usa ngari sa taas. Apan atong gipahinungod kining maong bulohaton niining gabhiona alang sa pagpangampo sa mga masakiton.

<sup>4</sup> Ug buot ko nga mapahimutang na kamo karon diha sa . . . niining Balaan nga mga Pulong sa Dios, diha sa Pagtuo, ang pagtuo niining panahon. Ang Pagtuo! Kini makahimo

sa pagbaton ug labaw pa nga pagtuo kay sa kanhing mga panahon, tungod kay kini maoy pagtuo nga nakapalalin, makapagpasakgaw sa kahitas-an. Ug busa maoy among gusto nga motuo kamo niining kagabhion diha sa tanan nga inyong nakita, ug madungog, ang Pulong nga inyong hidunggan nga giwali, ang—ang mga ilhanan ug mga katingalahan nga inyong nakita nga nagakahitabo. Maoy among gusto nga inyong tapokon kanang tanan diha sa inyong nga kasing-kasing, ug pamalandungon kini, kon kini iya ba sa Dios o dili.

<sup>5</sup> Sama kini kang Elesio kanhi, nga nagkanayon, “Kong ang Dios mao ang Dios, unya alagara Siya.” Ug kong si Jesus maoy sentro sa tanan mga butang sa mga Cristohanon, nan akong gihunahuna nga kinahanglan na nga atong buhi-an ang tanang butang ug mogakus ta Kaniya. Hinomdumi, Siya mao ang Sentro, Siya mao ang Bituon sa Amihanan, Siya mao ang Katapusan, Siya mao ang Matuod. Ug siya mao ang Bituon sa Amihanan. . . Adunay usa lamang ka butang nga magatudlo ngadto sa bituon sa amihanan, kana mao ang imong kumpas sa inyong paglawig. Ug ang Kumpas nga ako giingon kaninyo uban sa inyong paglawig mao ang Pulong, ug ang Pulong kanunay gayud nagpunting ngadto Kaniya.

<sup>6</sup> Ug atong gibati nga daw nagpadulong kita ngadto sa usa ka inila nga panahon sa kasakit ug mga pagsulay, kalibog sa panahon ug kabalaka taliwala sa mga nasud, ug sa tanang butang nga nagakahitabo, ug usahay mora ako’g gilamoy. . . Bisag asa ako motan-aw, morag anaa—anaa diha sa usa ka barko nga naa sa dagat. Ug ako maoy gipiyalan sa pagdumala sa maong Barko. Ug unsaon man nato sa pagbuhat niini? Ug unya miabot ang usa ka balod nga nag-agimuti ang ibabaw niini, ug gatusan ka pilo ang gidak-on kay sa akong barko. Apan gitungtungan ta sila, ang matag usa. “Labaw pa kitang mananaug pinaagi Kaniya.” Ang Capitan, ang Pangulong Capitan, mao ang nagguni sa tumoy sa pisi sa barko, Siya maoy miguyod niini. Atong tungtungan ang mga balod ang matag usa kanila.

<sup>7</sup> Karon, niining gabhiona, mahimong magdali ta ug nga makapanguli kamo ug sayo. Among gidayeg ang inyong halayong pagbiyahe, ug uban pa, ug kong giunsa man ninyo pagbiyahe, ug ang paghago nga inyong gibuhat. Ug, tan-awa, kana maoy nagpasibot kanako diin akong gustong tindogan ug nga magapadayon sa pagsulti ug sa pagbuhat sa mga butang nga akong nahimo aron sa pagtabang kaninyo. Apan samtang ania ako dinhi akong gisulayan ang paghalog sa tanan mga butang nga posibleng akong mahimo, aron sa pahatag ug tabang alang nianang tipik sa panahon nga nia kanato karon. Ug unya inyong gidawat. . . Kong atong hatagan ang mga katawhan ug ubay ubay sa usa ka panahon dili na kini nila mahinumduman. Inyong—inyong kinahanglan nga usa lamang ka butang ang

inyong batonan ug kopti kini pag-ayo sa tawo hangtud nga makita nila kana. Ug sa diha nga ilang madawat kanang lig-on sa ilang kasing-kasing, unya ilang. . . unya tudlo-i sila ug uban pang butang. Hinayhinaya lamang samtang nagapadayon ta.

<sup>8</sup> Karon, pag-ampo kamo ug pagmaisugon, ug magatuo ka karong gabhiona alang sa kaayohan. Wala ako mag huna-huna nga adunay mga pangutana diha sa inyong mga huna-huna mahitungod karong panahona. Dili ko motuo nga adunay daghang pangutana sa inyong huna-huna mahitungod sa bahin sa kong ang Dios kung anaa ba gayud sa taliwala sa Iyang mga katawhan o wala. Ako nagatuo nga kamong tanan nagtuo niana. Ug ako. . . Wala gayud magduha-duha sa akong huna-huna mahitungod niini. Ug ako—ako—ako nakaila sa akong mga katawhan, akong kahigalaan, ang mga higala ni Cristo, ang mga anak ni—ni Cristo, nagtuo niana.

<sup>9</sup> Ug kini nakahatag kanako ug dakong kalipay sa dihang akong masayran nga nakabaton kamo ug usa ka Mensahe gikan sa Dios, ug nga inyo kining gipaambit sa katawhan ug inyong nakita ang mga tawo tubag Niana. Ug unya milingi kamo ug nagakanayon, “Salamat Kanim, Amahan.” Oh, unsang kalipaya kini nga atong makita ang mga anak sa dios nga nagakaon sa Tinapay nga gipadala diha kanila! Inyong naila nga kana maoy usa ka panan-awon sa milabay nga mga katuigan, dinhi niini maong Tabernaculo? Tinuod kana, “Ang Tinapay sa Kinabuhi.” Igsoong Neville, nahinomdoman mo ba kini, gahum. Gamhanang panahon!

<sup>10</sup> Karon atong ablihan, kong gusto kamo nga mosunod sa pagbasa o timan-e na lamang ninyo kini, kana. . . Dili ako motuo nga ang usa ka bulohaton husto kon dili basahon ang Pulong sa Dios ug unya mohatag ug usa ka hamubong kumintario, kong ang maong bulohaton alang sa pagpang-ayo sa mga balatian o bisan unsa. Nakasabot kitang tanan. Walay dumoloong nga uban kanato, ako nagtoo. Apan nakasabot kitang tanan kong unsay kaayohan. Walay sapayan kon dunay laing nagbuhat alang kanimo; mao kini ang natapus na nga buhat sa Dios alang kanino. Ang kaluwasan anaa sa samang laray. Ang bugtong butang, mao, ang pagdani sa katawhan aron mutoo nga kana maoy Kamatuoran. Ug ang Dios nagtudlo niini diha sa Iyang Pulong ug unya gipamatud-an kini ngadto kanila nga nanagpanuo Niini, tungod kay Siya nag-ingon, “Ang tanan mga butang posible alang kanila nga na nag panuo.”

<sup>11</sup> Inyong isulti, “Walay butang nga dili mahimo sa Dios.” Motuo ba kamo niini? Walay imposible diha kaninyo, bisan unsa. “Tungod kay ang tanan butang posible alang kanila,” (Ang Dios usa lamang ka Persona) “alang kanila nga mituo.” Tan-awa? Busa walay butang nga dili mahimo kaninyo, alang kaninyo, kon mutuo lamang ikaw.

<sup>12</sup> Karon diha sa Unang mga Hari sa ika-17 ka kapitulo, buot kong pagabasahon ang unang pito ka mga bersikulo, kong itugot sa Ginoo.

*Ug si Elias ang Tishbinhon, nga uban sa mga pumoluyo sa Galaad, miingon kang Achab, Ingon nga buhi si Jehovah ang Dios sa Israel, sa kang kinsang atubangan ako nagatindog, walay tun-og bisan ulan niining mga tuiga, kondili sumala sa akong pulong.*

*Ug ang pulong ni Jehovah midangat kaniya, nga nagaingon,*

*Pahawa ka dinhi, ug lumiso ka padulong sa silangan, lumiso ka padulong sa silangan, ug magtago ka sa sapa sa Cherith, nga anaa sa Jordan.*

*Ug mahitabo kana, nga ikaw magainom ka gikan sa sapa; ug gisugo Ko ang mga langgam mga uwak sa pagpakaon kanino didto.*

Hibalo-i, “pagpakaon kanimo didto,” dili sa bisan asa. “Didto!”

*Busa siya miadto ug naghimo sumala sa pulong ni Jehovah; o sa pulong sa Dios: kay siya miadto ug mipuyo sa duol sa sapa sa Cherith, nga anaa atbang sa Jordan.*

*Ug mga langgam nga uwak nanagdala kaniya sa tinapay ug sud-an sa buntag, ug tinapay ug sud-an sa hapon ug hapon; ug siya nag-inum gikan sa sapa.*

*Ug nahitabo sa wala madugay, nga ang sapa namala, tungod kay walay ulan sa yuta.*

<sup>13</sup> Ang Ginoo magadugang sa Iyang panalangin sa atong gibasa nga Iyang Pulong. Ug karon, niining gabhiona, buot kong mokuha ug usa ka teksto gikan niana, nga pagatawgon, “espirituhanong Kalan-on diha sa Matag panahon.” Niining buntaga aniay atong usa—usa ka pagtulon-an nga—nga, “Nagabuhat ug usa ka bulohaton alang sa Dios, o kaha misulay sa pagpamuhat ug usa ka bulohaton alang Kaniya nga wala sa. . . ingon nga wala, sa panahon, ang dapit, o kaha ang tawo.” Ug karon mao kini ang: *Espirituhanong Kalan-on Alang Sa Hustong Panahon.*

<sup>14</sup> Kining maong propeta, nga si Elias, diotay lamang ang atong nasayran mahitungod kaniya. Apan atong nasayran nga siya ulipon sa Dios, ug ang ulipon sa Dios para nianang takna-a.

<sup>15</sup> Ug ang Dios migamit na sa Iyang Espiritu nga diha kang Elias, sa makatulo na kahigayon, ug misaad pa ug dugang pang duha; lima ka mga panahon, alang sa grasya. Iya Kining gigamit diha kang Elias; Kini miabot diha kang Eliseo duha ka pilo; ug diha kang Juan Bautista; ug gituohan nga moabot aron sa paghatud sa Gentil nga Panga-saw-onon; ug unya moanha kang Moises aron sa pag-uli sa mga Judio sa ilang puloy-anan. Tinuod

kana. Lima ka mga higayon nga ang Dios nagsaad sa paggamit sa Espiritu ni Elias, ug kini nahitabo na sulod sa tutulo ka higayon.

<sup>16</sup> Karon, kining nabantog nga propeta, wala ta mahibalo kong diin siya gikan. Atong nasayran nga siya Tishbinhon. Apan gi-usa man niya ang pag-anhi. . .

<sup>17</sup> Diotay lamang ang atong nasayran bahin sa mga propeta. Wala kita masayud kong diin sila maggikan. Talagsa ra kaayo. . . Maingon, nga wala ako masayud kang bisan kinsa mga nanggula gikan sa eglesia ni adunay mga kagikan diha kanila. Kini sila mga yanong tawo lamang nga walay gikalisanan, ug, sa kadaghanan, dili mga edukado. Ug walay ilang mga sinulat, alang kanila. Si Isaias ug si Jeremias, silang duha, adunay mga sinulat, apan kining tawong inila nga si Elias walay sinulat bisan usa ka butang. Daghan kanila ang walay sinulat; tingali ug dili sila makasulat. Apan sila maoy mga tawo nga dili maulawon. Walay usa ka tawo diha sa Biblia mga sama niadtong mga karaang propeta. Ilang gisuklan ang mga gingharian, mga hari, katawhan, kasimbahanan, ng uban pa, ug mibarug nga maligon diha sa Pulong sa Dios, ug ang Dios nagpamatuod kanila nga maoy tinuod. Ang matag usa kanila dili mga maulawon.

<sup>18</sup> Ug kining si Elias maoy usa sa pinaka lag-it nilang tanan. Siya maoy usa ka tawo sa kamingawan. Siya migula gikan sa kamingawan; siya nagpuyo diha sa kamingawan. Ang Biblia nag-ingon nga siya nagbisti. . . balhiboon, ug anaay iyang panit sa carnero nga iyahang gikupo, ug usa ka gamayang panit, sa camelio nga iyang gibakus, labihan. . . mga bangas diha sa iyang nawong, ug akong gipamalandog nga siya maoy usa ka lag-it nga tawo, nga tan-awon nga tawo.

<sup>19</sup> Apan dili kita. . .silang tanan wala mangamatay. Wala silang tanan—tanang mangamatay. Sa mga adlaw sa Konseho sa Necaea. . .daghan kaninyong mga katawhan ang nakabasa sa *Ang Konseho sa Necaea sa Unang Iglesya*, sa dihang buot sila magbuhat ug kapunungan gikan niini ug ilang gibungkag ang tanan nga mga kaeglesyahan, ug misangko ngadto sa pagkahiniusa, sa diha nga duna na silay Konseho sa Necaea, usa ka tawong bangis sama kang Eliseo mitungha didto gikan sa kamingawan, nga nagakaon ug mga tanom lamang; lag-it ug maisog nga tawo. Apan ang mga kadagkoan, ang mga halangdon, sa ilalum ni Constantino, ug uban pa, nagapakahilum sa ilang mga tingog. Tungod kay kadtong, ingon nga mga propeta, nasayud man nga ang liso sa trigo sa Igleseyang Pangasaw-onon kinahanglan gayud nga mahulog sa yuta, maingon nga ang liso sa trigo nga Pamanhonon kinahanglan gayud nga mahulog usab sa yuta. Ug kini didto gihaya sulod sa libohan ka mga katuigan.

<sup>20</sup> Kana mao ang hinungdan nga sila nagsulat diha sa mga libro karon, “Hain man kadtong magpakahilum nga Dios nga mobarug ug motan-aw, ug makita ang mga gagmaying kabataan

nga gipamatay, ug mga kababayen-an nga gikuniskunis sa mga lion, ug nga kadtong nagalingkod sa kalangitan nga walay gikasulti bahin niini?” Sila wala masayud sa Pulong. Nga kanang liso sa trigo kinahanglan gayud nga mahulog sa yuta. Unsaon man sa usa ka matarong nga Dios ang nagbarog aron motan-aw sa Iyang Kaugalingong Anak nga mamatay ug pagalud-an, ug uban pa? Apan kini maoy sumala sa Pulong, kinahanglan gayud nga kini mahitabo. Ug mao kana ang paagi bisan pa hangtod niining orasa.

<sup>21</sup> Kining tawhana, siya maoy usa ka tawong inila. Anaa sa iyang atubangan ang makasasalang kaliwatan. Si Achab mao ang hari, ang iyang amahan dautan na sa wala pa siya. Sukad pa kang Solomon, kaniadto pa dunay usa lang kadautang hari human sa usa. Ug kining tawhana, si Achab, nga naghari sa Samaria ug kawhaan ug duha ka tuig, maoy pinakadautan nilang tanan. Siya maoy matuod nga moderno. Nagtuo siya ug relihiyon, sa tinud-anay. Ug nagbaton siya sa tanang mga modernong paagi. Nagbaton usab siya ug upat kagatos ka mga Hebreohanong propeta, silang tanan maayong pagka matuto ug namanso. Ang Dios nagpadala kaniya ug usa apan dili siya mutuo niini, ug kadto mao si Elias.

<sup>22</sup> Apan si Elias, kining Tishbinnon, maoy usa ka tawo sa kamingawan. Dili usa ka tawong hapsay; siya usa ka dili maulawon nga tawo. Ug usa niana ka adlaw, human makasala si Achab hangtod nga ang Dios dili na mabarog niini, Siya misulti kang Elias didto sa kamingawan. Ug dinhi niini siya milugsong ngadto sa Samaria, ingon nga sa kanunay kong gipanag-ingnan; tingali ang maputing bangas mipilit diha sa iyang tibukaw nawong, ug upaw nga ulo nga gisidlakan sa adlaw, tigulang ug magagmay nga mga mata, kanhi uban sa sungkod sa iyang mga kamot, usa ka pahiyum diha sa iyang nawong, milakaw ngadto padulong sa hari sa Israel, ug niingon, “Ang. . . Wala bisan tun-og nga mutulo hangtud nga igasulti ko kini.”

<sup>23</sup> Ang Dios naghatag kanato ug tawo nga sama niana, tan-awa, tawo nga nasayud kong unsay ilang gibuhay uban sa MAO KINI ANG GIINGON SA GINOO.

<sup>24</sup> Karon, atong nasayran nga sa wala pa kini niya buhata, siya gitawag sa Dios. Ang Dios nakigsulti kaniya ug, busa, wala siya mahadlok sa bisan unsang butang. Wala siya malisang sa iyang mensahe, nga dili matuman; nasayud siya nga kini mahitabo gayud! Nasayud siya nga kini sumala sa Pulong sa Ginoo, ug nasayud siya nga siya propeta sa Dios alang sa maong panahon. Busa bisan kon pungguton pa sa hari ang iyang ulo, ibaligbag siya sa bilanggoan, bisan unsay ilang buhaton, dili kini makapausab kaniya; adunay iyang bulohaton, mga “KINI MAO ANG GIINGON SA GINOO,” diha gayud sa atubangan sa hari. Unsa ka isog nga tawo! Apan sa wala pa kini niya buhata, ang pagtagna niining dakong hulaw. . .

25 Tungod kay ang Dios dili motugot nga ang sala dili kasilotan. Kinahanglan gayud nga adunay masilotan. Unsa may nakaayo sa balaod kong walay usa—usa ka silot? Unsa may mahimo niini nga maayo, nagaingon, “supak sa balaod ang pagbaton ug suga,” ug walay multa nga nagpaluyo niini, o kaha silot nga nagpaluyo niini? Dili kini mahimong balood. Busa adunay silot gayud sa sala. Ug kong ang Dios magbuhat ug balaod, ug kanang balaora-balaod gisupak, karon adunay silot gayud alang niana.

26 Ug kining nasura magasupak sa tanan Niyang mga sugo. Oh, sila adunay mga dagkong kasimbahanan, anaay ilang templo. Daghan ang ilang mga educadong tawo. Adunay ilang mga propeta sa tibook nasud, dunay tulonghaan, alang kanila nga gipalihok sama sa makina. Ug adunay ilang daghan nga propeta, aduna silay daghan mga—mga pari, sila adunay daghang mga scriba, ug daghan ang ilang mga relihiyon, apan nahilayo sila sa Pulong sa Dios. Busa nagtawag ang Dios ug usa ka tawo nga wala nianang tanan nilang mga katungdanan, ug gipadala siya uban ang MAO KINI ANG GIINGON SA GINOO.

27 Ug hibalo-i kong giunsa Niya pag-atiman ang mga Iya. Sa wala pa Niya ipadala kining maong propeta uban sa mensahe, Siya miingon, “Elias, lumugsong ka ug sultihi si Haring Achab niining mga butanga. Ug karon, kong buhaton mo kini, mopahalayo ka dayon gikan kaniya, tungod kay adunay usa ka dapit nga akong gitagana alang kanimo nga imong pagaadto-an sa panahon sa hulaw. Ako maga atiman kanimo, Elias, kong iwali mo lamang ang Akong Pulong, buhata lamang ang unsay ipabuhat Ko kanimo.”

28 Karon buot ko nga ipanag-ing kining dakong bulohaton, niining gabhiona, kang Elias ug sa panahon ni Elias, duyog niining atong panahon karon. Ako nagatuo nga Kini Maoy tukma nga tepo. Namalandog ako sa mga nasud . . . kong ako . . . adunay atong panahon sa pagbalik, apan buot ko nga mohatag ug daghan nga panahon sa mga pag-ampo sa mga naglinya.

29 Busa kon makabalik ta ug atong tan-awon, ang Israel gikuha sa Palistina sa samang paagi sa atong pagkuha niining America. Mianhi ta dinhi sa America nga atong gipang-abog ang mga lumolopyo, nga mao ang mga Indian, ug atong giangkong ang yuta. Ug ingon usab niana ang gibuhat sa Israel sa ilang paghiabot sa Palistina, ilalum sa pagpangulo ni Josue, ilalum sa Dios, ug gipang-abog ang mga lumolupyoy didto ug gikuha ang yuta.

30 Ug ang una nilang mga hari mao ang tawong gamhanan; si David, si Solomon, mga bantugang tawo. Ang atong unang mga pangulo mga bantugan nga mga tawo; si Washington, si Lincoln, ug uban pa. Ug unya sa katapusan ang mga pangulo ug mga hari nagakaanam sa labi pang malata sa tanan nga panahon, ug sa katapusan sila misangko uban niining Achab. Labihang

tukma-a, nga tepo sa atong adlaw. Ug ang mga katawhan nagaka moderno nga dili na sila gustong manimati sa matuod nga Pulong sa Ginoo.

<sup>31</sup> Ug imong mapamalandog, diha sa usa ka modernong katawhan sama niana, unsa ka matuod gayud nga ulipon sa Dios nga mulanog sama kanila. “Ngano man, siya buang, siya nawad-an sa iyang maayong huna huna. Walay ingon nianang butanga.” Sila mga relihiyoso, relihiyoso kaayo. Sila adunay tawong matinud-anon, sila adunay matinud-anong mga katawhan. Sila mga relihiyoso kaayo.

<sup>32</sup> Busa nasayud siya nga kini nagakinahanglan ug labaw pa sa usa ka yanong teolohiya, kini nagakinahanglan ug labaw pa labaw pa—kay sa bisan unsang yanong mensahe, kini nagakinahanglan ug labaw pa kay sa pagwali lang sa Pulong, aron masiak ang ilang batohon nga mga kasing kasing. Siya nasayud nga nagakinahanglan ug MAO KINI ANG GIINGON SA GINOO aron nga ipadala ang paghukom diha sa ibabaw sa katawhan, busa nahibalo siya nga kong moadto siya uban ang MAO KINI ANG GIINGON SA GINOO. Ug MAO KINI ANG GIINGON SA GINOO. Ang pagsalikway Niana, nagakahulogan sa paghukom. Atong nakita kana niining atong adlaw, usab. Atong makita bisag unsang adlaw. Wala nay lain pa nga nagpabilin kondili ang paghukom kon mogawas kamo sa linya sa kalooy.

<sup>33</sup> Karon, kanang tepoha kang Elias nga akong ginatopo, ang elesia karon, ang elesia niining adlaw. Sa dili pa ang paghukom, iyang gidawat kining mensahe. Si Elias, siya narepresentar, maingon nga giatiman diha sa natural, ang natural niyang pagkaon, tungod kay dili man moulan karon, sumala sa Pulong sa Dios, sulod sa tulo ka tuig ug unom ka bulan, o hangtud nga taw-gon kini ni Elias. “Bisag unsang panahona nga ikaw moingon, Elias, kana maoy mahitabu.” Busa milakaw siya ngadto sa hari, ug miingon, “Walay bisan tun-og nga mahulog hangtud nga tawgon ko kini.” Igo gyod nang—nang kargaha, dili ba? Igo nang mensahe-a!

<sup>34</sup> Ug karon ato kanang itepo sa espirituhanon nga hulaw niining adlaw. Karon, kitang tanan nasayud, nakamatngon ta pag-ayo, nga adunay usa ka dakong espirituhanong hulaw sa ibabaw sa yuta karon, sa espirituhanon nga pagkasulti. Ug, kamo nasayud, nga kana gipanagna na pinaagi sa mga propeta, sa dili pa moabut ang ikaduhang Pagbalik ni Cristo mahitabo na, ginaingon, “Moabot ang kagutmanan diha sa yuta, ug kini dili sa tinapay lamang, kondili sa pagpaminaw sa Pulong sa Dios.” Ug kadtong adlaw maoy kini karon, “pagpaminaw sa matuod nga Pulong sa Dios.” Karon, kini nagtepo sa natural nga hulaw diha sa espirituhanon.



35 Ang sala ug ang pagkadili matinuohon, pinaagi sa mga mini nga magtutudlo ug mga modernohanon diha sa eglesia, maoy nagdala sa maong dapit alang nining umaabot, nagingabot nga paghukom. Ug unya mitalikod sila gikan sa Pulong sa Dios ug sa Iyang propeta, ngadto sa modernong teyolohiyang termenoloheya sa Pulong.

36 Hibalo-i ninyo dinhi, kini sama lang gihapon sa panahon nga ang Dios kanunay' ng magapabarug ug usa ka butang. Tungod kay, Siya, kanunay, Siya dili mobuhat ug bisan unsa gawas nga Iya una kining ipadayag sa katawhan, ug kanunay kini Niya ipadayag pinaagi sa Iyang mga ulipon.

37 Karon, apan si Elias, niining panahona, adunay usa ka dapit nga tinago nga gigahin kaniya sa Dios nga iyang pagaadto-an. Mao kana ang usa ka butang nga gusto ko nga atong makita karon sa dili pa ang pagpangampo sa mga maglinya. Si Elias adunay usa ka dapit nga tinago nga gitagana sa Dios Mismo. Karon, ang eglesia wala gayud magtagana niini kaniya, ang hari wala gayud niini magtagana alang kaniya, wala usa niya andami ang iyang kaugalingon, apan ang Dios nagtagana ug usa ka dapit nga tinago alang kang Elias aron pakan-on sa tanan nga takna sa panahon sa hulaw, diin ang iyang pagkaon giandam matag adlaw. Siya dili kinahanglan mahibulong kong unsay magakahitabo ugma o mahibulong kong ang pagkaon mahudtan. Nag-ingon ang Dios, "Akong gisugo ang mga uwak ug pakan-on ka nila." Unsa ka kahibulongang butang, usa ka tepo sa atong dapit nga tinago diha kang Cristo.

38 Sa diha nga ang konseho sa tibuok kalibotan ug ang tanan nga karon nagapadayon, nga nagaingon, "Ang mga adlaw sa mga milagro milabay na." Ang dakong gahum sa Dios gipangoha na gikan sa mga kaeglesyahan. Sila daw ingon, na lamang, ug wala nay lain nabatonan nila kondili ang "usa ka nagatagongtong nga agong ug usa ka nagakabanha nga piyangpiyang." Atong nahibaloan kana nga maoy matuod. "Ug adunay dagway sa pagkadiosnon, apan nagapahimakak ang Gahum niini."

39 Managsama ra kini nga butang sa gibuhath ni David niining buntaga, uban sa caromata sa baka, nga mipahilayo gikan sa Pulong. Sa dihang gitanyag ug gihatag kanila ang Pulong, gidumilian nila Kini; busa, nahilayo sila gikan Niini.

40 Mao kana ang gipangbuhat sa mga katawhan sa mga adlaw ni Elias, nagpahilayo sa Pulong. Nagdahum sila nga anaay ilang Pulong, apan wala Kini kanila. Busa tagda unya sa . . .

41 Sa panahon nga Iyang silotan ang mga dili magtutuo, Siya magbuhat ug paagi alang sa magtutuo. Mao ni kanunay ang Iyang ginabuhat sa matag panahon. Niadtong mga adlaw nga Iyang gilaglag ang kalibotan pinaagig tubig, Siya nagbuhat ug paagi aron maka-ikyay si Noe. Sa mga adlaw nga Iyang gilumsan

ang Ehipto, Siya nag buhat ug paagi aron makaikyas ang Iyang katawhan latas sa dagat. Giunsa man sa Dios ang pagbuhat sa Iyang pamaagi! Ug diin gani walay dalan, Siya mao ang Dalan. Siya mao kadtong Dalan!

<sup>42</sup> Karon atong nailhan nga nag-atubang kita ug pipila niining...usa sa pinakadakung takna nga nasayran sa kasaysayan. Dili gayod ang tukma nga warhead sa nagapangidlap nga bomba, uban sa ulo nga anaa niini, nga aron atong kahadlok. Ang mga kasimbahanan ang angay natong kahadlok. Ang panahon nga diin ania ta niini karon maoy atong bantayan.

<sup>43</sup> Karon panid-i, apan ang Dios nagbuhat ug paagi alang kang Elias aron nga makaikyas niini. Ug nagbuhat usab Siya ug paagi alang sa Iyang mga magtutuong mga anak aron sa pagpakaikyas niini karon, sa kapungot ug sa mga butang nga umalabot.

<sup>44</sup> Tungod niini, dili makatarunganon ang Dios nga hukman kadtong mga katawhan ug padad-an silag silot, ug iunlod ang Sodoma ug Gommora, ug iunlod ang Capernaun didto sa taliwala sa dagat, ug hukman kadtong mga kaliwatan, ug ang Sodoma ug Gommora, ug unya tugotan ta sa pagbuhat sa samang butang ug maangkon pinaagi niini. Kitang sigurado gayod alang sa paghukom maingon nga sila sigurado usab nga pagahukman. Karon atong sud-ongon nga ang...

<sup>45</sup> Kong kining mga butanga mahiabot na, ang modernong kahimtang niadtong adlaw, ang Dios magbanhaw ug usa ka tawo alang nianang adlaw, o magpatindog diay ug usa ka tawo, aron, nga makig-away sa mga gahum, ug dili sila maminaw niini. Nagdahum sila nga siya usa ka buang, “Siya nawad-an sa maayong pangisip. Siya usa sa kanhing fanatico, buang nga gikan sa kamingawan, mao ra ug buang sa kakahoyan.” Apan, bisan pa niana, nagbaton siya sa Pulong sa Ginoo.

<sup>46</sup> “Ang Pulong wala magpasabot kong unsay igaingon Niini,” kini maoy ilang giingon karon. “Oh, hinuon, ang Biblia maoy usa ka libro sa kasaysayan.” Nanghinaut ako nga inyong nakita kini, nga karon ilang giangkong, nga, “Dili mansanas ang gikaon ni Eba, mikaon siya ug usa...” Unsa man kadto? Ako nagatuo... “Kadto usa ka melokoton,” maoy ilang giingon kini karon. “Usa kadto ka melokoton.” Ug dayon, moingon nga, “wala ni Moises dalha ang mga anak latas sa Mapulang Dagat. Usa kadto ka dakong bangan sa bagakay, padulong didto sa pikas tampi sa dagat, ug siya miadto sa usa ka dagat nga kabagakayan.” Ug unya giunsa man ang tubig, t-u-b-i-g, gibong-bongan ang matag kilid; sila milatas agi sa mamalang yuta, unya? Oh, way polos kana! Apan, nakita ninyo, nagkinahanglan ug ingon niadtong matang sa adlaw aron sa pagpahamtang sa kapungot sa Dios diha sa ibabaw sa katawhan. Ingon kini niini.

47 Sila nagingon nga walay usa ka butang nga ingon—ingon niana. . . Bisan pa ang mga sakop sa eglesia dili mutuo ug mga milagro. “Ako mohatag kaninyo ug usa ka libo ka dollar,” sila nagaingon, “ipakita kanako ang usa ka milagro. Ipakita nako ang usa ka milagro!” Hinuon, dili kini nila makita kong adunay napulo ka libong mga butang ang gibuhat sa ilang atubangan. Ngano man, sila, dili nila kini makita.

Ikaw nag-ingon, “Kana ang imposible,” Oh, dili, ingon niana.

48 Si Elias usa niana ka higayon milugsong sa Dothan, ug ang mga Syrianhon nga kasundalohan nangabot ug giliyokan ang ciudad, aron nga kuhaon siya, tungod kay ilang nasayran nga diha niana ang—ang gahum sa nasud gipahimutang, diha nianang magtatan-aw. Ngano man, ang hari. . . Usa ka tawo ang misugilon sa hari sa Syria, nga nag-ingon, “Nganong, nasayud ka, si Elias ang propeta, ang Tishbinhon, nagsugilon sa hari sa Israel mahitungod kon unsay imong gisulti sa imong hilit nga dapit.”

49 Nga nag-ingon, “Lakaw ug kuhaa kanang tawhana! Kay kanang tawhana ang nagbabag kanato.” Ug ang tibuok kasundalohan nga Syrianhon miadto ug mibutho sa Dothan. Silang tanan nanaglibot niini.

50 Ug si Gehazi, ang—ng ulipon sa propeta, nahigmata, ug siya miingon, “Oh, akong amahan, ang mga kasundalohan nanaglibot kanato dinhi. Gilibotan ta pag-ayo.”

51 Siya miingon, “Ngano, adunay labi pa ka daghan ang ania uban kanato kay sa anaa kanila.” Tan-awa?

Ug milantaw si Gehazi sa palibot, ug miingon, “Walay usa nga akong nakita.”

52 Siya miingon, “Ginoong Dios, ablihi ang mga mata nianang bata.” Ug naablihan ang iyang mga mata, ug ang tanan nga mga bungtod nalukop sa mga Manulonda ug ang mga caro naandam na, ang dili makita nga Kusog.

53 Si Elias migula dihadiha dayon didto, ug ang Biblia nag-ingon, “Iya silang gibutahan.” Milakaw siya ngadto kanila; alang kaniya sila mga buta. Mipaduol siya ug miingon, “Nagapangita ba kamo kang Elias?”

Siya miingon, “Oo, among gipangita siya.”

54 Miingon siya, “Dali ngari, kay sultihan ko kamo kong hain siya dapit,” ug iyang gipabanhigan sila, ngadto gayud diin ang mga kasundalohan managlakaw ug unya gidakop sila.

55 Karon, ang Biblia nag-ingon, “Gibutahan niya sila labihang butaha.” Diha niana sulbad na. Ug ang katawhan karon buta nga hilabihan sa espirituhanon, bisan pa kon ang Ginoong Dios nanaug diha sa taliwala sa katawhan ug nagbuhat ug bisan unsang butang, ug ang mga butang nga Iyang gisaad, dili

gihapon nila makita Kini. Sila mga bulag nga espirituhanon; wala makaila sa Dios, wala masayod sa Iyang dakung Gahum. Karon, atong namatikdan nga ila kadtong gibuhat sa mga adlaw ni Elias, ug nga ila usab kining gibuhat karon. Gibutahan sila sa Dios. Moingon sila karon, nga, “Wala nay mga milagro, walay ingon nianang butanga, kining tanan lunsay ug pagbati.”

<sup>56</sup> Ug nagsulti sila sa samang butang mahitungod kang Elias, tungod kay sa dihang gilalin siya ug si Elesio ang mipuli sa iyang dapit, usa ka batan-ong lalaki, batan-ong opaw ang miadto, ang kabataan migukod kaniya, ug miingon, “Tigulang nga opaw, nganong wala ka man mokuyog kang Elias?” Tan-awa, wala gani sila motuo Niini sa sinugdanan, ang katawhan, tapus sa daghang mga butang nga nabuhat. Ug kining inila nga tawo sa Dios gilalin ngadto sa Langit pinaagi sa caro nga kalayo, ug ang katawhan wala pa sa gihapon motuo Niini. Ug adunay ilang mga gagmayang kabataan nga nagagukod sa luyo niining tawhana ug miingon, “Tigulang opaw, nganong wala kaman moadto sa itaas?” Nakita ba ninyo? Ug unya ang propeta mitunglo sa mga kabataan, ug ang usa ka babayeng oso mipatay sa kap-atan ug duha kanila.

<sup>57</sup> Karon panid-i. Kining adlaw, maingon sa kaniadto, ilang gibutang ang ilang kinaugalingong mga hubad diha sa Pulong. Karon, kong gusto nilang buhaton kana, anaa ra kana kanila, apan ila tang suwayan sa pagpatuo niana. Ang Biblia nag-ingon nga, “Kining Pulong sa Dios dili hubaron sa kinaugalingon.” Ang Dios maoy magbuhat sa Iyang Kaugalingong hubad. Ang Dios nagpamatuod sa Iyang Pulong, ug kana maoy hubad Niini. Sa makadaghan ko na kini nga giingon, Siya miingon sa sinugdanan, “Maanaay kahayag,” ug mitungha ang kahayag. Kana wala na kinahanglan nga hubaron pa; nahitabo na. Siya miingon, “Usa ka ulay magsamkon,” nabuhat niya. Siya miingon Iyang “igabubo ang Iyang Espiritu,” Iya kining gibuhat. Ug siya miingon, “sa katapusang mga adlaw,” ang mga butang nga Iyang pagabuhaton, ug Iya na kini nga ginabuhat! Wala na kini magkinahanglan ug bisan unsang hubad; ang Dios nagbuhat na sa Iyang Kaugalingong hubad. Bisan unsa pa ang igaingon sa tawong buang, dili kana makapahunong sa Dios bisan diotay.

<sup>58</sup> Sa dinhi pa si Jesus sa yuta, adunay naghingapin nga mga dili magtotuo nga nakigbisog Kaniya kay sa ania kanato karon, ug tingali daghan pa. Apan wala kini makapahunong Kaniya; Siya nagapadayon nga nagapamuhat sa Iyang bulohaton, ug ang Dios nagpanghimatood sa matag butang nga Iyang gibuhat. Siya miingon, “Wala ako mag-inusara sa Akong Kaugalingon. Ang Akong Amahan ug Ako usa ra; Siya ania sa sulod Nako. Dili Ako maoy nagabuhat sa sa mga bulohaton, kondili ang Amahan nga nagpuyo sa sulod Nako. Ug kon wala pa Ako magabuhat sa Iyang buluhaton, ug unya ayaw ko Ninyo tuhi; apan kong Akong gibuhat ang mga buluhaton, apan dili gihapon

kamo motuo kanako, tuhi ang mga buhat,” Nakita n’yo? Sa lain nga pagkasulti, ilang . . . “Susiha ang mga Kasulatan,” Siya miingon, “tungod kay diha niana naghuna-huna man kamo nga makakaplag sa Kinabuhing Dayon, pinaagi sa pagkasayud sa mga Kasulatan. Ug ang Kasulatan, Gayud, maoy nagapamatuod Kanako.” Amen! Unsa ka maayong padayag! “Mao kana sila, ang mga Kasulatan, ang nagsugilon kaninyo kon Kinsa Ako.” Si Jesus miingon.

<sup>59</sup> Ug kining maong mga Kasulatan ang nagsugilon kaninyo sa takna nga diin ania kita niini magpuyo. Ug ang mga butang nga inyong nakita nga nagahitabo, kini mao ang Dios Mismo sa taliwala sa Iyang katawhan. Walay si bisan kinsa makabuhi ug patay kon dili ang Dios. Walay si bisan kinsa nga makabuhat sa mga butang nga Iyang gipamuhat karon kon dili Siya. Tungod kay ang Biblia nag-ingon, “Siya mao sa gihapon, karon, ug sa palaabuton.”

<sup>60</sup> Karon atong makita kanang modernong lakaw sa katawhan, unya, “Oh, ang mga adlaw mangagi na, wala kanang giingon nga usa ka butang nga milagro. Ang katawhan ginamanduan lang sa pagbati.”

<sup>61</sup> Paminaw nianang si Elias, ang propeta, isinggit kini batok kanila ug sa ilang mga teologo. Panid-i, panid-i, siya misulti ingon nga morag siya ang Dios Mismo. Si Elias misulti ingon nga morag daw siya Dios Mismo, “Ang tun-og dili mahulog gikan sa langit hangtud nga isulti ko kini.” Amen! Oo, sir. Ang propeta dugay nga nagpuyo sa Presensya sa Dios!

<sup>62</sup> Ang mga propeta sa Daan Tugon, o sa bisan unsang panahon, kong mopuyo sila sa Presensya sa Dios hangtod nga sila mahimong Pulong, ang ilang Mensahe mao ang Pulong Mismo. Ug, hinumdumi, siya miingon, “MAO KINI ANG GIINGON SA GINOO.” Ug kong kadtong tawhana nagabaton nianang mga mensahe gikan sa Dios, ug sila naputos na tungod niini ang ilang kaugalingong panghunahuna. . . Tingali kini supak na sa ilang panghunahuna, tingalig dili na sila makahimo sa—sa pagkakita niini sa husto. Apan sila magasulti sa Pulong sa Dios, “MAO KINI ANG GIINGON SA GINOO.”

<sup>63</sup> “Walay bisan unsang ulan hangtod nga sultihan ko kini.” Oh, unsa ka maayong pahayag! Siya gikan sa Atubangan sa Dios ug gipanghimatuod sa hingpit. Ug, hinumdumi, nga kana usab gisundan sa Amos 3:7, “Ang Ginoong Dios dili mobuhat ug bisan unsa gawas kon ipadayag una Niya sa Iyang mga ulipon.” Ginaingon, “Walay mahitabo nga ulan nga mutulo!” Iya una . . .

<sup>64</sup> Gikataw-an nila siya, nagtuo sila nga siya buang, “Kanang fanatiko!” Apan, tan-awa, nagbaton siya ug MAO KINI ANG GIINGON SA GINOO nga dili gayud moulan. Ug, ang Dios, sa wala pa niya kana buhata, Iya kining gipadayag ngadto kang Elias nga Iyang ulipon. Ug siya gipamatud-an, propeta

nga napamatud-an, busa ang katawhan kinahanglan gayud nga maghinulsol. Apan, hinunua, gikataw-an nila siya, nga nag-ingon, “Oh, adunay among daghang ulan! Ang tangke puno pa. Nagilig pa ug maayo ang suba.”

<sup>65</sup> Ang Biblia nag-ingon niana, “Wala gani bisan na lang tun-og sulod sa tulo ka tuig ug unom ka bulan.” Ang tanan mga sapa ug mga katubigan nanghubas, bisan asa. Dili kadtong tawhana, ang Dios kadtong nagasulti painaagi niadtong tawhana. Kadto mao ang “Ako” mao kadto. Kanunay ta nga nahibalo. Busa siya . . .

<sup>66</sup> Atong mahibaloan nga kong ang tawo moabot, pinadala gikan sa Dios, ginahin sa Dios, uban sa matuod nga MAO KINI GIINGON SA GINOO, ang mensahe ug ang mensahero usa ra ug mao ra. Tungod kay siya gipadala aron sa pagpasabut nga MAO KINI ANG GIINGON SA GINOO, Pulong pulong, pinaagi sa pulong busa siya ug ang iyang mensahe mao ra.

<sup>67</sup> Ang usa ka tawong makidenominasyon ilalum sa pasiugda sa denomsasyon, siya ug ang elesia maoy “nausa.” Ang usa ka teologo ilalum sa teolohiya, minugna pinaagi sa ubang denominasyon, siya ug ang iyang mensahe usa ra; elesia sa teolohiya, usa ka teologo. Kini husto kaayo.

<sup>68</sup> Ug unya kong ang usa ka tawo motungha uban ang MAO KINI ANG GIINGON SA GINOO, siya ug ang iyang Mensahe nahimong usa. Sa diha nga si Elias miabot uban sa MAO KINI ANG GIINGON SA GINOO, siya ug ang iyang mensahe nahimong usa. Maingon kang Jesus, sa Iyang pag-anhi, Siya mao ang Pulong, San Juan 1. Busa ang Pulong sa Dios ug ang mensahero nianang panahona managsama ra nga butang, sa tanan panahon. Husto kana.

<sup>69</sup> Si Jesus mao ang Pulong nga gipanagna. Siya mao kadtong giingon sa propeta nga mahitabo, “Ang usa ka ulay manamkon ug magaanak ug usa ka Bata.” Balik didto sa sinugdan, ang Dios nag-ingon kanila, nag-ingon, “Ang Kaliwat sa babaye magsamad sa ulo sa serpente, ug ang serpente magsamad sa iyang tikod.” Kining tanan nga mga propesiya gihatag na. Si David nagbakho, ug ang uban pang mga propeta latas ngadto sa mga kapanahonan, naghisgot bahin Niya. Siya mao ang Pulong nga nadayag! Haleluia!

<sup>70</sup> Karon inyo bang nakita kong diin ang akong gipaningkamotan sa pagkab-ot? Nakigsulti ako kaninyo sa labihan nga ka yano niining buntaga. Wala ba ninyo makita ang kagahum sa buhing Dios diha sa buhing Iglesia, ang Pangasaw-onon? Ang masakiton nga naayo na, ang mga patay nabanhaw na, ang piang nakalakaw, ang buta nakakita, ang Maayong Balita nagapadayon diha sa Iyang gahum, tungod kay ang Mensahe ug ang mensahero mao ra. Ang Pulong anaa na sa Iglesia, diha sa tawo.

71 Ang Pulong sa Dios didto kang Elias sa dihang milakaw didto uban ang MAO KINI ANG GIINGON SA GINOO, ug miingon, “Dili moulan.” Dili kadto si Elias; mao kadto ang Dios diha kang Elias.

72 Ako ang nag-ingon sa makadaghan na, sama sa Christian Science nga dalaga nga nagsugilon kanako usa niana ka panahon. Ako na kining gisulti makadaghan ang bahin niini. Siya miingon, “Ginoong Branham, maghinubra na ang imong pagpangandak kang Jesus.”

Miingon ako, “Ako naglaum nga mao ra kana ang bugtong butang nga akong ikatubag,”

Ug siya miingon, “Imo Siyang gihimong Balaan.”

Miingon ako, Siya Balaan.”

73 Siya miingon, “Oh, Siya usa ka propeta, Siya usa ka maayong tawo, apan dili Siya Balaan.”

74 Ug ako miingon, “Diay, pakita-e ako ug usa ka Bersikulo nga nag-ingon nga Siya dili.

75 Siya miingon, “Diha, sa Libro ni San Juan, kini nag-ingon nga Siya ‘mihilak’ sa Iyang pag-adto sa lubnganan ni Lazarus.”

76 “Hinoon,” miingon ako, “husto, Siya mihilak. Siya tawhanon ug Balaan. Siya usa ka tawo, naghilak; apan kinahanglan nga Dios Siya aron pagabanhawon ang patay.” Husto kana. Miingon ako, “Siya usa ka tawo, gigutom; apan Dios Siya nga nagapakaon sa lima ka libo, pinaagi sa duha ka tinapay ug lima ka isda.” Husto kana. “Siya usa ka tawo, nga nahikatulog sa ulin sa sakayan; apan ang Dios kadtong diha Kaniya nga nagpakapakalma sa tubig.” Tungod kay ngano? Siya ug ang Iyang Mensahe usa ra.

77 Siya miingon, “Ako ug ang Akong Amahan usa ra. Ang Akong Amahan nagpuyo sa sulod Nako.” Siya mao ang kahupnganan sa Dios diha sa pagkalawas.

78 Akong gihunahuna makapahibulong ra kaayo sa miaging adlaw, sa dihang akong gidala *Ang Pito Ka Mga Kapanahonan Sa Iglesia*. Aron sa pagsugod niini, ako—ako dili makahimong ihubit si Jesus magbarug didto uban niadtong . . . uban nianang puti sa ibabaw Niya sama niana, nga nag-ingon, “Ang Iyang buhok maputi sama sa balhibo sa carnero.” Dili ako makasabot kong unsaon sa usa ka tawo nga katloan ug tulo pa ka tuig ang kagulangon maputi na ang buhok.

79 Ako nagtawag ug usa ka maayong teologo, usa ka Pentecostal nga teologo, usa ka maayo ug hinigugmang higala ko, Ah, si Igsoong Jack Moore kadto, Maalam siya, puno sa pagsabot nga tawo. Siya miingon, “Igsoon Branham, kadto mao si Jesus nga gihimaya. Ingon niadto Siya tan-awon sa tapus Siya mahimaya.” Dili, ako dili makatuo niana. Dili.

Ako-Ako-ako miingon, “Ah, Igsoon Moore, salamat.”

<sup>80</sup> Misulod ako didto sa lawak ug nagapakigsulti sa Dios. Akong gikuha ang akong concordance aron nga dalhon ko Siya pagbalik ngadto kang Daniel, diin kini nagaingon, “Ug siya miduol sa Karaan sa mga Adlaw Kansang buhok maputi sama sa balhibo sa carnero.” Miingon ako, “Ginoo, ako—ako—ako wala masayod kong unsay akong igasulti, ug anaa kanako ang responsibilidad,” Karon, sa wala pa kadtong se . . . ug hinumdumi, sa wala pa maablihi Ang Pito ka mga Timri, hapit sa usa ka tuig o kapin, sa wala pa, Nag-ampo ako didto nga, “Ginoo, unsa man kini?”

<sup>81</sup> Ug mitan-aw ako, may nagbarug sa akong atubangan, ug diha nagabarug ang usa ka tawo ug siya usa ka maghuhukom, ug nagsul-ob siya ug maputi nga peluka. Ang tigulang nga mga maghuhukom sa karaang mga adlaw naanad na nga magsul-ob ug usa ka maputi nga peluka aron sa pagpakita nga siya usa ka labawng may katungdanan.

<sup>82</sup> Ug unya sa dihang akong nakita si Jesus uban sa maputi nga peluka, miingon ako nga kini magpamatuod lamang sa kamatuoran nga atong nahibalo-an, nga Siya mao ang Kinalabwang May katungod. Ang Dios nagasaksi sa samang butang didto sa Bukid sa Pagkausab sa dagway, nga miingon, “Kini mao ang Akong Anak nga pinalangga, pamati-a Siya, ang Labawng may Katungdanan!”

<sup>83</sup> Ug unya balik didto sa sinugdanan sa Pito ka mga Timri, sa pagkana-og niadtong pito ka mga Manulonda sa dagway sa piramid, may mibarug didto ug nagsugo kanako sa pagbalik dinhi ug isugilon ang diha sa Pito ka mga Timri, ug Siya magauban kanako. Iyang gipakita kanako kong unsa kini sila, ang mga nangawalang butang. Kanunay ako nga namalandong nga kadto gitimrihan sa luyo sa Libro ug nga kini usa ka butang nga wala mahisulat diha sa Basahon, apan kini mibalik ug miingon nga kini gikapahibalo na nga dili Siya makahimo niana. Kini dili usa ka butang nga nahisulat diha sa usa ka Libro. . . . Kondili nga kini usa ka butang tinago nga diha sa Libro. “Kay si bisan kinsa nga magakuha ug usa ka Pulong gikan Niini ug magadugang ug usa ka pulong diha Niini. . . .” Busa kini usa ka tinago nga dugay na diha sa Libro niining pito ka mga kapanahonan sa iglesya. Ang matag usa kanila naghatag ug usa—usa ka misterio, mahitungod sa bautismo sa tubig ug kining laing butang nga ilang gimaomao sa dugay nang panahon.

<sup>84</sup> Ug sa pagsaka na niadto, ang dakong piniiran nga gikan sa California, ngadto padulong sa Mexico, unahan sa Tucson, bisan diin, nagakuha sa hulagway Niini. Kadto usa ka kahibulongan nga talan-awon. Si Igsoon Fred Sothman didto, nagalingkod gayud didto, ug ako ug si Igsoon Gene Norman, nagbarug kami sa akto sa diha nga kini misaka. Ilang gikuhaan ug hulagway,



apan sa gihapon wala sila masayud kong unsay ipasabot niini. Dinhi niini sa milabayng panahon, ang matag usa nag-ingon, “Tan-aw diri. Kini ingon *niini* tan-awon, ug ang mga pako sa mag Manulonda, giunsa nila sa pagpilo diha niana.”

<sup>85</sup> Usa niana ka adlaw, giliso kini sa tuo, gitutokan, diha niana si Jesus Cristo nga tukma gayud sa pagkadibuho ni Hofmann Kaniya. Kini nagbarug didto nga nagsul-ob sa puti nga peluka, nagtan-aw sa yuta, nagpakita nga Siya maoy Kinatas-ang Maghuhukom. Ang Kalangitan nagpadayag niini, ang Biblia nagpadayag niini, ang Mensahe nagpadayag niini, Kining tanan managsama ra. Kinalabwang may Katungod, Nga nagsul-ob ug Puti nga peluka; inyo bang nakita ang Iyang itum nga bungot. Daghan kaninyo ang nakakita sa hulagway. Nakakuha ta niana didto. Liso-a lamang kini sa tuo, takidla, tan-awa kini. Anaa Siya, hingpit ingon sa kaniadto, kong kini gihulagway pa Kaniya. Ilang gitan-aw kini sa sayup nga anggulo. Kinahanglan nga tan-awon mo kini sa insaktong anggulo. Ug ang Ginoong Dios lamang maoy makapadayag kong asa ang hustong anggulo. Lisoa kini sa imong tuo ug tan-awa kini. Anaa Siya, hingpit gayud, nakuha kini sa hulagway didto sa itaas.

<sup>86</sup> Sa unang higayon nga Ako Siyang nakita, tan-awon Siya sama sa *Ulo sa . . . Hofmann*. Wala gayud ako makakita niana kaniadto. Ug sa kang Billy Sunday nga tabernaculo, sa milabay ng katuigan, nakita ko kini. Ang akong balay bisan kanus-a wala gayud ni usa ka hulagway sukad.

<sup>87</sup> Unya, dinhi sa mga panganod, ginaingon nga ang Dios nga akong nakita sa itaas dinhi niini nga panan-awon, ingon nga usa ka gamayang bata dinhi diin kining balay tulonghaan nagabarog, ingon gayud Siya niana. Ug dinhi sa Kalangitan, katloan ug tulo na ka tuig ang miagi, nagmantala niini, nga kini mao ang tinuod. Ingon Siya niana kong tan-awon; dili mga tulokibong butang nga minaomao sa uban.

<sup>88</sup> Sama sa Vatican, anaay ilang usa—usa—usa ka Cristo nga dinibuho nga adunay, gamay’ng puti nga malingin nga bungot o liningin nga bungot nga diha sa Iyang suwang, hapit tunga sa pulgada ang gitang-on, padulong sa ibabaw sa Iyang baba ug sama *niini*, ug gitawag kana nga Cristo.

<sup>89</sup> Kana magpahimutang lang kanako sa akong huna-huna sa usa ka Griego nga artista nga akong nakita usa niana ka panahon didto sa karaang simbahan, nga nagapakita kong unsang pagkadagwaya si Adan ug si Eba; mora sila’g mga mananap o ingon-ingon niana. Mao kana ang pangagpas sa unodnon nga huna-huna sa mga espirituhanong butang. Sa akong paghunahuna si Adan maoy pinaka ambungan nga tawo sa tanan, ug si Eba maoy hinpit nga babaye sa tanang paagi.

<sup>90</sup> Karon ang mga unodnong panghunahuna nanaglimin ug Butang diha sa ilang kaugalingon pangagpas, ug unya ang Dios

nanaug ug nag-ablig mga Butang pinaagi sa Iyang Gahum. Kana ang tukma nga nahitabo dinhi sa mga adlaw ni Achab.

<sup>91</sup> Karon, atong nahibaloan nga si Elias makahimo sa pag-ingon niana tungod kay ang Mensahe sa panahon ug ang Pulong sa Dios . . . Ang Mensahero, ang Mensahe—ang Mensahe, ug ang Pulong, hingpit nga managsama rang butang. Ang propeta, ang Pulong, ang Mensahe; mensahero, Mensahe, ug Mensahe, mao ra. Si Jesus miingon, “Kong wala Ako magabuhat sa bulohaton nga nahisulat mahitungod Kanako, ayaw Ako ninyo tuohi.” Maayo kana. Bisan kinsang tawhana ug ang iyang mensahe usa ra.

<sup>92</sup> Mao kana ang hinongdan nga karon dili sila motuo sa pagbuhat sa bulohaton sa Dios, tungod kay dili sila modawat sa Mensahe sa Dios. Dili sila motuo sa Mensahe.

<sup>93</sup> Apan kadtong motuo sa panahon sa Dios nga atong gipoy-an, kining mga butanga maoy mga tinipigan nga Pagkaon. Palandunga lamang, Gitipigan Kini sa Dios aron sila nga magatan-aw Niini dili makakita Niini. Sama ra kini sa pagbuta ni Elias sa mga Syrianhon nga mga sundalo. Sama ra kini sa pagbuta sa Dios sa mga dili magtutuo gikan sa matuod nga Pagkaon sa anak, ang magtutuo.

<sup>94</sup> Unsay ilang gingalan kang Noe, “usa ka fanatico,” nagbuhat ug arka, ang iyang mga mata nangabuka sa Pulong sa Dios ug sa saad. Ang bugtong butang nga ilang gitawag nga fanaticismo, si Noe lang ug ang iyang balay. Tan-awa, ang managsamang butang. Ang butang nga gipangataw-an sa mga tawo, mao kana ang butang nga atong gipangampo. Ang butang nga gitawag sa mga tawo nga “walay hinongdan,” atong gitawag nga “Mahinongdanon!” Unsay gitawag sa kalibutan nga “mahinongdanon,” gitawag sa Dios nga “Walay hinongdan!” Ug unsay gitawag sa kalibutan nga “mahinongdanon,” gitawag sa Dios nga “Wayhinongdan!” Kini tukma gayud sa panagkabangi tali sa Husto ug sayop. Si Jesus Cristo mao sa gihapon, karon, ug sa walay katapusan.

<sup>95</sup> Hinumdumi, siya miadto ngadto sa iyang dapit nga tinago pinaagi sa laraw sa Dios, pinaagi sa pagtawag sa Dios, ug sa Pulong sa Dios. Si Elias misulod ngadto sa iyang dapit nga tinago pinaagi sa daang pagkahibalo sa Dios (plano), ug ang tawag sa iyang kinabuhi, ug sumala sa Pulong. Ug kong dili ingon niana ang paagi sa atong pagsulod, wala ako mahibalo kong nganong nakasulod ta didto.

<sup>96</sup> Ug panid-i, sa wala pa magsugod ang hulaw, si Elias miadto na niining dapita nga tinago alang sa iyang pagpakabuhi. Usa ka tukmang tepo nga sa dili pa magsugod ang paghukom sa yuta, ang Iglesia gitawag na pagawas, ang Pangasaw-onon napili na, ug igo na lamang magpaabot sa dili pa ipahamtang ang paghukom. Nagpaabot na, nga nagakaon sa Pagkaon sa Dios, nagakalipay sa panalangin sa Dios. Bisan kinsang tawhana diha

sa iyang hustong panghunahuna nasayud nga nagapadulong ta ngadto, ania na kita sa takna sa paghukom.

<sup>97</sup> Tan-aw! Igsoon Banks, kadaghanan kaninyo nga mga lalaki nga ania niining gabhiona, nga nagabarug didto kaniadto sa ibabaw nianang bukira usa niana ka buntag.

<sup>98</sup> Ug buot ako maghisgot mahingtungod nianang bukira, sa sunod nga Domingo sa buntag, kong itugot sa Ginoo. Nadawat ko ang usa ka dakong pinadayag, usa ka butang sa unahan pa nga morag maglisod ko sa pagpugong aron dili isugilon niining gabhiona. Apan adunay akong . . . Tan-awa? Ug kini nagapadayon lang, sa tanang panahon, usa ka butang ang nahitabo human sa uban. Nakita ninyo? Mohunong nga nagakahitabo, tungod kay kadto mao ang MAO KINI ANG GIINGON SA GINOO.

<sup>99</sup> Ang matag-usa kaninyo dinhi, makalibo ka mga nilibo nga anaa sa tape, nakadungog kanako nga nag barug ug nagsulti, “MAO KINI ANG GIINGON SA GINOO, kini gayud mao ang ingon niini ug ingon niini.” Ug bisan pa ang mga pamantalan ug ang mga magasin nagapadayag niini nga mao gayud. Wala sila masayod kong unsay kahulogan niining tanan, apan nakita nila kini. Wala sila masayod kong unsa kini, apan nakita nila kini ug nagpanghimatod sa Pulong nga husto gayod.

<sup>100</sup> Nanagbarug kita sa ubos nianang suba, nga ang Manulonda sa Ginoo nanaug niadtong adlaw, katlo-an ug tulo ka tuig o niadtong 1933, nanaug ug misulti sa mga butang nga iyang nabuhat. Milakaw, ug daghang mga tawo nga didto sa tampi, miingon, “Unsay ipasabot niadto, Billy?”

<sup>101</sup> Ako miingon, “Dili kadto alang kanako; kadto alang kaninyo. Ako nagatuo; kamo wala.” Ug nanagpanlakaw lang hinuon.

<sup>102</sup> Ug unya ang pastor miingon kanako, siya miingon, “Ang buot mo bang ipasabot nga ikaw, nga usa ra ka pito ka tuig ang grado sa edukasyon, maoy moadto sa tibuok kalibotan ug magapangampo sa mga magmamando ug mga gamhanan ug mga hari ug mga butang? Ug, oh,” miingon, “hikalimti Kana!”

<sup>103</sup> Wagyu ko Kini kalimti, Kini nahisilsil sa akong kasing-kasing. Karon dinhi, katlo-an ug tulo katuig ang milabay, ang matag butang nga Iyang giingon nahitabo gayud sa hingpit nga paagi nga Iyang giingon nga Iyang pagabuhaton kini. Dios Siya ug dili mapakyas. Iya kanunay’ng gituman ang Iyang Pulong. Siya . . . Ayaw gayud pagduhaduha Niini.

<sup>104</sup> Karon, panid-i, misulod siya pinaagi sa laraw sa Dios (pagkahibalo), sa tawag sa Dios, ug ang Pulong sa Dios, ug misulod na sa wala pa mahiabot ang hulaw.

Karon, nasayod ta nga ang paghukom hapit na ipahamtang.

<sup>105</sup> Samtang nagtindog ako sa bungtod niadtong adlaw, si Igsoon Banks Wood dinhi nagtindog usab, nanungas kami sa ibabaw sa bungtod. Tingalig akong kutloon kini pag-usab, aron maoy makapalig-on sa inyong pagtuo alang niining pagpangampo nga sa dili madugay atong pagahimoon sa mosunod nga napulo, o napulog lima ka gutlo. Nag-una ako kang Igsoon Banks. Siya kanhi. . . Sa akong panghunahuna iyang gitalikdan si Igsoon nga babaye nga si Ruby sa dihang nagmasakiton siya. Ug misunod siya kanako, namatikdan ko ang iyang nawong, nga namula. Milingi ako. Nagdahom ako nga ang pagtungas sa bungtod morag lisod alang kaniya nga goyuron, busa mihinay-hinay ako sa pagtungas. Diha gayud sa mga kamingawan, diha sa ibabaw sa kabungtoran nga sama *niana*, diha gayud diin ang mga Manulonda sa Ginoo mitungha. Nagapadulong kami ngadto nianang tumong, diin sila mitungha mga pipila na ka bulan sa wala pa kana.

<sup>106</sup> Ug sa mitungas Ako sa ibabaw sa bungtod, ang Espiritu sa Dios. . . Sa akong paglingi, ug mitan-aw sa ibabaw sa bukid, Siya miingon, “Punita kanang bato, ug ingna siya, “MAO KINI ANG GIINGON SA GINOO, imong makita ang Himaya sa Dios sa mosunod nga pipila ka mga takna.”

<sup>107</sup> Ako lang gipunit ang bato, ug miingon, “Igsoong Banks, wala ako masayod kong ngano,” gilabay ko kini sa kahanginan, ug miingon ako, “MAO KINI ANG GIINGON SA GINOO, makita mo ang Himaya sa Dios.”

Siya miingon, “Nagapaabot ba kana kang Ruby?”

<sup>108</sup> Miingon ako, “Dili, wala ako maghunahuna niining mga butanga nga may kalabotan bahin nimo, Banks o Ruby, bisan sa usa. Akong gihunahuna nga Kadto ako lang isulti, “MAO KINI ANG GIINGON SA GINOO, adunay butang nga mahitabo.”

<sup>109</sup> Ug sa pagka sunod nga buntag samtang nanagtindog kami didto, daghan sa mga kalalakihan, wala ako masayud kong pila ang ania nagalingkod dinhi karon, adunay napulog duha o napulog upat, napulog lima kami nga nagalingkod didto. Sa kalit, lamang usa ka ministro ang miduol kanako ug miingon, “Igsoon Branham,” siya miingon, “ang akong ngalan mao si *Kini ug mao kadto*.” Miingon, “Usa ako sa imong mga tagapangabaga sa California.”

<sup>110</sup> Miingon ako, “Akong gikalipay ang pagkakighimamat kanino, sir.” Douglas McHunges. Siya miingon, “Ako. . .” miingon ako, “Gikalipay ko ang pakighimamat kanino.” Nakiglamano ako kaniya.

<sup>111</sup> Siya miingon, “Maayo, karon, mangutana ako kanimo.” Miingon. . . si Roy Roberson, usa sa piniyalan dinhi; si Igsoon Woods, si Terry ug si Billy, ug, oh, si Igsoon Mc Anally, ug wala na ako masayud kong kinsa kadtong tanan nga nagatindog didto. Ug ako. . . Siya miingon, “Bout kong mangutana kanino ug usa

ka butang.” Siya miingon, “Ang Ginoo naghatag ba kanimo ug mga panan-awon nga sama niini?”

112 Ako miingon, “Oo, igsoon, apan nga mianhi ako dinhi aron sa paglikay gikan niini, aron sa pagpahulay.”

Ug mitan-aw ako sa palibot sama *niini*, ug akong nakita ang usa ka doctor nga natugob sa kahimanan nga nagatan-aw ngadto kaniya, ug miingon, “Rev. Mc Hughes, kining alerjie diha sa imong mata mao kini unya ang makakuha sa imong mata. Gitambalan taka sulod sa duha ka tuig, ug wala koy nahimo niini.”

Ug milingi ako ngadto kaniya, miingon ako, “Unsay imong gipangutana kanako alang niana, ang imong doctor nag-ingon kanimo, sa miaging adlaw, “Kanang alerjie nga naa sa imong mata.” Mga tunga-tunga pa lang sa adlaw, mga alas-onse ang takna, ug nagsul-ob siya ug antiyuhos. Ug unya miingon ako, “Ang hinungdan; nga nganong wala ka magsul-ob niana tungod sa adlaw, kana tungod sa imong mata. Giingnan ka niya nga ‘mawala kana nga mata.’”

Ug misugod siya sa paghilak, nga nagkanayon, “Tinuod kana.”

113 Miliso ako ug milakaw-lakaw pag-usab, nga adunay usa ka pala sa akong kamot. (Ug unya mitan-aw ako; Nakita ko siya nga nagtindog didto nga nagtan-aw kanako, ang iyang mga mata maingon nga tin-aw.) Miingon ako, “Apan MAO KINI ANG GIINGON SA GINOO, dili mawala kana nga mata.” Nangayam ako kauban niya niining miaging panahon sa pagpangalarag, maayo ang iyang panan-aw kay kanako ug kang bisan kinsa nga anaa nagpunsisok. Wala gayud siya . . .

114 Ug nakakita ako ug usa ka gulang nga babaye nga mihoshos sa iyang medyas ug mipataas sa pikas kilid sa iyang sayal. Miingon siya, “Anak, kong nakita mo si Igsoon Branham, sultihi siya aron nga iampo ang akong tiil.” Ug mitan-aw ako didto, sa ubos ug may gamay . . . ingon ug mga lusay tan-awon nagbitay diha sa iyang tiil, nalukop tanan.

115 Miingon ako, “Ang imong inahan ubanon na nga babaye. ‘Anak ko,’ nakita mo. Gisultihan ka niya sa wala ka pa mogikan, kong makita mo ako, nga tungod kanako ampo-i ang iyang tiil. Adunay iyang gagmay nga mga lusay, ingon, ug nagabitay sa iyang tiil.” Siya nga usa ka nawad-an ug paglaum.

Siya mitubag, “Tinuod kana.”

Miingon ako, “Sultihi siya nga dili mabalaka. Mamaayo ra kana.”

116 Misugod ako sa paglakaw. Ug unya nadungog ko ang Tingog sa Dios nga namulong, nga nag-ingon, “Gumula ka sa dalan, pagdali.”

Si Roy Roberson nagbarug didto, sa akong nasayran nga siya usa ka veterano sa gubat, giagbayan ko siya, ug miingon ako, “Igsoon Roy, tago, sa labing madali!”

Siya miingon, “Unsa man ang nahitabo?”

Miingon ako, “Palayo dinhi sa dalan! Tago!”

<sup>117</sup> Ug sa nagsugod ako sa paglakaw, gibutang ko ang akong pala, ug milingi, ug gikuha ko ang akong kalo. Ug niana Siya miabot, ang Himaya sa Dios mipatighulog diha sa usa ka alimpulos nga misiak sa kilid sa bukid nga ingon niana, ug milipak ug miuyog sa dapit nga ingon niana, gipamutol ang mga tumoy; sa mga kahoy mga tulo o upat, lima lang ka tiil sa ibabaw sa akong ulo. Kini mibalik sa itaas sama sa embudo nga ingon niana; milipak kini pag-usab. Ug, dinhi miabot, sa makatulo ka higayon.

<sup>118</sup> Ug unya sa pagkawala na Niini, sa ika-tulong higayon, si Igsoon Banks miduol, ug miingon, “Kana ba maoy imong buot ipasabot?”

Miingon ako, “Oo.”

Miingon siya, “Unsa man kadto?”

<sup>119</sup> Miingon ako, “Ang Dios mitungha diha sa alimpulos.” Wala ako masayod kong gusto ba Niya nga akong isulti sa katawhan o dili.

<sup>120</sup> Ug unya nagapadayon ako ug nag-ampo ug diotay. Unya gisultihan Niya ako nga mahimong akong sultihan sila. Miingon ako, “Kadto maoy paghukom nga muigo sa Kasadpan.” Tan-awa siya karon! Tan-awa kong unsay nahitabo sa pipila ka mga takna human niana; Ang Alaska naunlod. Ug karon ang tanang butang nagpadayon sa ilalum niana. Nagapadulong kita ngadto sa paghukom. Ang Kalooy gisalikway na.

<sup>121</sup> Apan salamat sa Dios, anaay atong tinago-an nga Kalan-on, espirituhanon nga Kalan-on, nga diin kita nagkinabuhi diha sa kaayo ug kalooy sa pinadayag ni Jesus Cristo niining katapusan nga mga adlaw, nga nagapaluyo sa Iyang Kaugalingon diha sa Iyang mga katawhan. Amen! Misulod sila. Si Elias misulod wala na sa wala moabot ang hulaw. Salamat sa Dios ingon na nakasulod na sa dili pa moabot ang paghukom. Karon mao na ang panahon sa paggula ug panahon sa pagsulod, pagpang-gula gikan sa mga kapunongan ug mosulod diha kang Cristo, usa ka pagpang-gula ug panahon sa pagsulod sa tanang tinuod nga magtutuo.

<sup>122</sup> Ug unya gitawag siya, ug nagpabilin didto. Hinum-domi, wala niya biya-i kadtong sapa hangtod nga gitawag siya sa Dios.

<sup>123</sup> Ug sa hapit na matapos ang tinghulaw, Iyang gitawag gikan didto pagawas, paingon sa balay sa usa ka babayeng balo. Panid-i, Iyang gitawag aron moadto sa balo. Ug kining maong balo wala gayud makighiusa uban sa mga dili magtutuo; nga midawat

sa marka sa mapintas nga mananap sa panahon sa hulaw. Busa Iyang gitawag siya ngadto sa . . . gitawag si Elias aron sa pagtabang sa balo. Adunay usa na lamang ka buok nga gamay nilang tinapay, usa ka gamay'ng butang nga iyang gihuptan. Ug si Elias miingon, "Thatag una kana, kanako. Tungod kay, MAO KINI ANG GIINGON SA GINOO, kanang tadyaw dili gayud mahutdan ni mahutdan ang tibud ug lana, hangtod sa adlaw nga si Jehovah nga Dios magpa-ulan sa ibabaw sa yuta." Unahon una ang Dios, ang Iyang Pulong una!

<sup>124</sup> Hinuktuki, adunay harina diha sa tadyaw. Sa matag takna nga moadto siya tapus sa pagkaon, kanunay nga adunay harina sa tadyaw. Adunay lana sa tibud, sa matag takna nga moadto siya niini. Ngano man? Ang Harina nagakahulogan kang Cristo diha sa halad nga kalan-on. Ang mga bungang tunokon kinahanglan nga ibutang sa hustong, dapit aron nga galingon ang matag-usa kanila. Ang matag bungang tunokon niining maong harina kinahanglan gayud nga managsama ra, hulagway nga Siya mao sa gihapon, karon ug sa palaabuton. Mao kadto ang Pulong, ang Tinapay sa Kinabuhi nagasunod sa mensahe, aron sa pag paluyo sa Pulong.

<sup>125</sup> Maingon usab kini karon, mga higala. Maingon man usab kini karon, nga ang Tinapay sa Kinabuhi nga gikaon sa mga anak, gisundan sa Mensahe sa Dios, aron nga pagkaon kanila sa panahon sa hulaw. Unsa kaha kon mobarug Siya sa atong atubangan karon? Unsa kaha kon mobarug Siya sa atong atubangan karon dayon? Mulihok Siya ug magbuhat sa tukma gayud sa Iyang gibuhat sa mga adlaw nga diha pa sa unod dinhi sa kalibutan. Ang Pangasaw-onon kabahin sa Bana, ang Iglesia mao usab sama kang Cristo. "Ang buhat nga akong ginabuhat buhaton usab ninyo." Ug ang Pulong maoy nagabuhat niini. Gisultihan ta Niya nga ang mga butang nga Iyang gibuhat kana maoy atong pagabuhaton.

<sup>126</sup> Namatikdan na usab nato, kong ang Pulong ania kanato ug nga miabot kanato, maingon nga miabot Kini kang Elias niadtong adlaw. Kini magabuhat sa samang butang nga iyang nabuhat, siya magakaon diha sa tinagong Butang sa Dios nga gililong sa kalibutan. Oh! Sa maka usa pa, kini maoy naghimo sa Mensahe ug sa mensahero nga usa ra. Ang Pagkaon nga esprituhanon naandam na, ug nga Kini ania sa iyang panahon karon. Ug ang matag usa kaninyo mahimong makaangkon niining Pagkaona kong nagtinguha kamo Niini, kong andam na kamo sa pag-ipsot gikan sa tanan nga dili pagkamatinuohon niining panahona, kong andam na kamo sa pag duol kang Cristo, duol diha sa Iyang saad.

Ug hinumdumi ang Iyang mga saad, diha sa Malakias 4, Lucas 17:30, ug usab sa San Juan 14:12, ug pila pa sa daghang mga Sinulat, nga naga hisgot, sa Joel 2:38, ug ang tanan nga Iyang pagabuhaton, o sa 2:28, diay, unsay Iyang pagabuhaton

niining katapusan nga mga adlaw. Ug nga giunsa man sa propeta ang pag-ingon nga kini mamahimong Kahayag niining katapusan nga mga adlaw, unsaon man Niini sa pagkahimo, unsa may buhaton Niini, ang tanan nga Kasulatan naga tudlo ngadto niining katapusan nga adlaw. Ug kana mao si Cristo! Kong makahimo ka sa pagtago diha Niana karon, nianang dapit nga Tinago, makakaon ka ug makita mo ang kaayo ug kalooy sa Dios. Kong masakiton ka, adunay kaayohan didto.

<sup>127</sup> Nahinumduman ba ninyo nga sa dihang si Eliseo, pagka taud-taod, gitawag. . . Human niadtong iyang halad nga kalanon, nga si Cristo, ug gibuhi ang balo pinaagi Niini. Panid-i sa wala madugay sa dihang iyang gitawag ang kalayo sa pagkanaog gikan sa langit, ug uban pa, ug nagpamatuod nga gipadala, sa Dios, ang Espiritu sa propeta.

<sup>128</sup> Hibaw-i didto sa kamingawan, samtang naghigda siya didto sa ilalum sa kahoy nga juniper, usa ka Manulonda nanaug nga nagdala sa mao rang matang sa tinapay, ug nagluto ug mga tinapay ug gipakaon siya. Ug sa pagkataud-taod gipakatulog siya Niya, pag-usab ug gipukaw siya, ug anaay daghan pang tinapay nga giluto alang kaniya. Ug siya nagbaton sa samang kusog gikan niadtong tinapaya sulod sa kap-atan ka adlaw. Sa Dios ang Himaya! Siya mao sa gihapon, karon, ug sa palaaboton. Oh, gihigugma ta gayud Siya, spirituhanon nga Pagkaon diha sa Matag panahon!

<sup>129</sup> “Dili maayong kuhaon ang pagkaon sa mga anak ug ipanghatag kini sa mga iro.” Wala ba ni Jesus isulti ang samang butang ngadto sa taga Syrogfenecia nga babaye? Siya gipadala alang sa Mga Iya. Kana maoy tinuod. Ug kana mao Siya ang moabot. . . Wala gayud Siya moadto sa mga Gentil.

<sup>130</sup> Ug karon Siya miduaw sa mga Gentil sa ilang panahon, ug dili maayo. . .

<sup>131</sup> Moingon kamo, “Ngano man nga kining Mensahe wala man mogawas niining mga dagkong mga dapit, kining dakong crusada, sama sa uban nga mga denominasyon?”

<sup>132</sup> Dili kini ilang Pagkaon. Dili ang iglesia, gitawag nilag kuno, Pagkaon. Pagkaon kini sa Pangasaw-onon. Kini mao ang spirituhanon nga Pagkaon sa panahon. Magluod ang ilang mga kuto-kuto niini. Tambok ra kaayo kini alang kanila. Tan-awa? Tan-awa? Dili mo—mo—mo mabuhat kini. Apan, alang sa mga anak, Tinapay kini, Kinabuhi kini, Si Jesus Cristo Kini nga mao sa gihapon, karon, ug sa palaaboton.

<sup>133</sup> Maulahi na kita kon dili nato sugdan ang mga magpaampo karon, busa atong iduko ang atong mga ulo sa makadiyot lamang.

<sup>134</sup> Minahal nga Dios, Pagkaon alang sa tukmang panahon, spirituhanon nga Pagkaon. Butang nga ang kalibutan walay kasayoran niini. Giunsa namo ang pagpaminaw sa among Ginoo



nga nag-ingon nianang gabhiona, o niadtong adlaw didto sa Samaria, mao ra nga dapit ang gilakawan ni Eliseo nga nag-ingon, “Ngano, nga ang tun-og dili motulo hangtod nga isulti ko kini.” Dinhi nagtindog si Jesus nga nag sugilon sa Iyang mga tinon-an.

Nga nag-ingon, “Magtutudlo, nganong dili ka man mokaon?”

Siya miingon, “Aduna koy Kalan-on nga wala kamo masayud niini.”

<sup>135</sup> Sa pagkamatuod, ang Ginoo, ang Iyang Pagkaon mao ang pagbuhat sa kabubot-on sa Dios, sa pagtan-aw sa bulohaton sa Dios napadayag sa Iyang takna. Tua Siya aron sa pagtan-aw nga kini nahitabo na. “Dili Ako magabuhat gawas kon ipakita una Kini Kanako sa Akong Amahan. Unsay ipakita Kanako sa Amahan, kana maoy akong buhaton.”

<sup>136</sup> Ug, Amahan, maingon usab niini karon. Ang Iglesia, ang matuod nga magtutuo, ang Lawas sa mga magtutuo, adunay agianan alang sa Pagkaon, espirituhanon nga Pagkaon, nga ang mga dili tinuod walay nasayran niini. Ang kalibotan wala masayod niining Pagkaona, Amahan. Apan ang Imong Iglesia, ang Imong katawhan, ang Pangasaw-onon sa Imong Anak, nahigugma Niini.

<sup>137</sup> Adunay among agianan alang sa kaayohan sa among mga lawas kon ang mga doctor mapakyas. Adunay among agianan alang niini. Kini usa sa mga Pagkaon sa Dios, nga Iyang gihatag sa Iyang Iglesia, ug gisaad kini sa katapusan nga mga adlaw alang sa Iyang matinuohon nga mga anak. Ug, Amahan, tabangi kami nga mahimong matinuohon nga mga anak, tungod kay ang tanan butang masayon ra alang sa mga magtutuo. Itugot kini, Mahal nga Dios. Amo kining gipangayo sa Ngalan ni Jesus. Amen.

<sup>138</sup> Nagtuo ako nga si Billy nag-ingon kanako nga nanghatag sila ug mga kard's sa pagpangampo. Kong adunay usa nga makasulti kanako sa sulat diha sa kard's, kanang tanan mao nay akong gusto. [Adunay usa nga miingon, “C.”—Ed.] C, sige, atong kuhaon ang C, sugod sa usa, hangtud nga akong masugdan ang atong linya. Tan-awa, karon, tingali ug ang tanan. Karon, kong ang matag-usa... Maayo, tan-awa, akong sulayan kini, dili ako sigurado kong makahimo ba kita niini o dili. O tingali ug tawagon na lang nato nga maga linya; pagpabilin lang sa paglingkod. Walay sapayan kini alang kanako. Kong makasaka lang kamo diri sa intablado, o kaha dunang pagatawag sa linya, dili kini makaunsa, bisan hain niining paagiha. Nagasalig lamang gayud ako sa Balaan nga Espiritu. Nagasalig ako Kaniya aron nga labanan kining Pulong nga akong ginawali.

<sup>139</sup> Igsoon George Wright, ako nagatuo Niini. Sukad pa niadtong gamay'ng bata, nga miadto sa inyong balay daghan na ang

katuigan nga milabay, naminaw sa karaang langgam nga whipporwill nga nagabatog sa kahoy, nagpabilin pa ako sa pagtuo nianang maong Mensahe. Nagtuo ako nga Kini mao ra.

<sup>140</sup> Sige, akong nakita nga ilang giayo kini alang sa laray sa mga magpaampo. Sige, ang prayer kard's C, unang numero, duha, tulo, upat, lima, duol una ug tindog diri. Kong dili kamo maka tindog, kong inyo na lamang ibayaw ang inyong mga kamot, ang uban kanila pagadalhon kamo. [Adunay usa nga nakigsulti kang Igsoon Branham—Ed.] Unsa man kini? Husto. Uh—huh, ang prayer kard's C, usa, duha, tulo, upat, lima. Ug karon timan-i, kamo nga walay mga tarheta . . .

<sup>141</sup> Karon, wala koy sama niini nga linya alang sa mga magpaampo sa dugay, dugay na nga panahon. Pila kaninyo ang nahinumdom pa sa akong sugo sa dihang atong gibuhay ang Tabernaculo dinhi? Nga nag-ingon, “Buhata ang bulohaton sa pagkaebangelista.” Wala nako isulti nga ako usa ka ebangelista. Nga nag-ingon, “Buhata ang bulohaton sa pagkaebangelista.” tan-awa, “kay moabot ra ang takna nga kana paga usabon.” Kanang taknaa umaabot na. Tinuod kana. Karon, dinhi niini, Siya . . .

<sup>142</sup> Dili mo mahimong sagulon ang duha o tulo ka mga bulohaton sa pagdungan, pastor ug ibangelista, sa samang panahon. Dili ka mahimong usa—usa ka propeta ug kaha usa ka pastor, sa samang panahon, tan-awa, tungod kay adunay imong nagakalahi nga bulohaton, nagakalahi nga pagpamuhay.

<sup>143</sup> Apan ang Ginoo naghatag kanako kong unsay akong pagabuhaton sa akong Mensahe. Apan bisan pa niana Siya miingon, “Buhata ang bulohaton sa pagka ebangelista, buhata ang bug-os nga panghimatuod sa imong bulohaton, tungod kay ang takna taliabot na nga sila dili makalahutay sa maayong Pagtulon-an.” Kung kana wala pa moabot karon! Ang matag eglesya sa denominasyon nagtamay kanako. Sila dili makalahutay sa maayong Pagtulon-an. “Apan nga uyon sa ilang pangibog ilang gitapok ang ilang kaugalingon nga mga magtutudlo, ug mibalitok sila ngadto sa mga tinumotumo. Ug magbuhay sila ug mga dagkong mga butang aron sa pagpahimulos sama kang Jambres ug kang Jannes nga misukol kang Moises, apan ang ilang mga binuang nadayag ra.” Tan-awa? Tan-awa? Tanan tinuod, mga nanundog! Inyo bang nakita giunsa ni Jambres . . .

<sup>144</sup> Ug, ang Dios sa Langit nasayod, nga diha niana gipahimutang sa kanto nianang Tabernaculo ang bato sukad pa niadtong 1933, nga nahisulat diha sa panid sa Biblia, nga karon anaa niana. Tan-awa kong giunsa nila ang pagbuhay niini. Tan-awa kong unsay nahitabo. Mga nanundog, tukma gayod. Nga miingon, “Pasagdi sila, kay ang ilang mga binuang

madayag ra unya sa samang kahimtang ni Jambress ug ni Jannes kanhi.” Ania na kita sa maong adlaw.

<sup>145</sup> Akong nakita ang iglesia sa dihang gipahimutang ta ang batong pamag-ang, ang mga katawhan nangombitay sa mga akboanan ug sa tanan palibot, nga nagabarug sa palibot sa bungbong sa Tabernaculo. Anaa ra na. Ug miingon sila, kong kini moabot, ang katawhan dinhi sa ciudad, nga magaingon, “Sulod sa unom ka bulan . . .” Matag usa kanato usa ka dolyar ug kawalo-an ka centemos aron sa pagbuhat ug usa ka Tabernaculo, kadaghanan sa mga katawhan sa garahe miuyon niini aron nga mahimo nila nga garahe. Apan kini usa ra gihapon ka toril sa carnero alang sa mga Carnero sa Dios.

<sup>146</sup> Usa, duha, tulo, lima, unom, pito, walo, siyam, napulo, C. unom, pito, walo, siyam, napulo. Tanan hapsay na.

<sup>147</sup> Karon, “Ako ang Ginoo ang nagatanum niini, Akong bisbisan kini matag-adlaw ug magabii tingali unya kong adunay mokuha niini gikan sa Akong kamot.” Tan-awa ang mga pagbiaybiay! Walay denominasyon nga mopaluyo Niini. Walay mga iglesya dinhi sa tibuok nasud nga moangay Niini. Walay Pentecostal dinhi sa nasud, walay lain nga mopaluyo Niini. Ang tanan mosupak sa bautismo sa tubig, ang tanan mosupak niining ubang mga butang. Bisan pa sa akong kaugalingon nga panimalay, ang akong kaugalingong amahan mipalayas kanako gikan sa among pultahan, ghipos ko ang akong mga bisti sa usa ka gamay’ng papel nga sudlanan ug milakaw ako ug mipuyo sa New Albany. Husto.

Apan sa daghang mga kakuyaw pag antos, ug  
mga la-ang,  
Ako naka lampus na;  
Ang grasya ang nagdala ug nagbantay kanako  
niining halayo,

Kalim-an ug unom na ako ka tuig ang kagulangan, ug sa dili madugay molabang na ako sa suba.

Ang Grasya ang moangkon kanako.  
Kong tua nako sa napulo ka libong katuigan,  
Masanag kanunay ingon sa adlaw;  
Wala na tay kuwang nga panahon sa pag-awit  
ug pagdayeg sa Dios  
Kay sa niadtong nagsugod pa ta.

Oh, gihigugma ko gayud si Jesus! Siya maoy tanan alang kanako!

<sup>148</sup> Oh, tinuod kana, pila kaninyo ang akong . . . Diin man ako mohunong, sa napulo? Mahimo pa ba nga atong dungagan? Padayunon ta. Unsa man kana, napulo, napulog lima? Padayon ta. C, sa ika-napulo hangtud sa napulog lima, kung asa man kamo, kon makahimo kamo sa pagtindog ug moari diri.

Unsay giingon? Huh! Padayunon ta. C, napulog lima hangtod sa kaluhaan, pa. Unya kadtong C, napulog lima hangtod sa kaluhaan. Mahimong adunay pay lain nga napulo ka mga tawo. Atong nakita. . . Inyo bang nakita—tan-awa diin ang mga nag linya didto nagbarog, dili kita makaduol kanila—kanila nga nagadinuotay. Ug kita. . . Padayon ta.

<sup>149</sup> Karon ihatag kanako ang inyong wala mabahin nga pagpaminaw; dili ta magdugay. Apan, karon, oh, unsang panahona, unsa kining taknaa! Ako—ako nanghinaut nga ang matag-usa nahigugma sa Ginoo. Ako—ako nanghinaut nga kitang tanan mahisangko nianang punto sa pag-ila sa mamahimo niining mga gutlo-a. Atong sulayan kini. Ihatag lamang kanako ang inyong pagtagad.

<sup>150</sup> Unsa—unsay atong gipaningkamutan pagbuhat dinhi? Atong gipahimutang ang Pulong sa Dios pinaagi sa pagsuway. Gibuhat ni Elias ang samang butang, miadto ngadto sa bukid sa tapos niya hibalo-i nga siya gipadala gikan sa Dios aron sa pagbuhat niini. Siya miingon, “Karon atong pamatud-an kong kinsa ang Dios, tuguti nga ang Dios nga motubag pinaagi sa kalayo siya maoy Dios.”

<sup>151</sup> Ug ang mga pagano nanagsamad, oh, nagkanayon, “Ah, siguradong, dili. . .” Ang—ang mga pagano nahibalo nga walay kalayo nga mahulog, busa mitiyabaw sila ug nagapadayon.

<sup>152</sup> Apan si Elias nahibalo nga kini mahulog gayud, tungod kay adunay iyang panan-awon nga gikan sa Ginoo.

Nag-ingon ka nga, “Siya adunay panan-awon?”

<sup>153</sup> Oo, sir! Sa dihang napahimutang na ang tanang butang, siya miingon, “Ginoo, gibuhat ko kining tanan sumala sa Imong sugo.” Ug unya ang kalayo nagsugod sa pangahulog. Kong ang Pulong sa Dios pagatipigan diha sa litra, dayon kini bulohaton na sa Dios ang pag-atiman sa nahibilin pa niini. Gihangyo ka lamang Niya nga imong ibutang kini diha. Ug siguroha nga ikaw gitawag aron ibutang kini diha. Tan-awa? Ug kong ikaw man, Iyang paga-ampingan ang uban pa niini.

<sup>154</sup> Karon, adunay katawhan nga moduol pinaagi niining linya nga akong pagaampo-an. . . Karon, oy, hapit na kamo mahiduol sa bungbong karon, padayon ta, diha sa linya aron sa pagsugod. Karon, una, dunay gamay nga nia niining bildinga, ang uban nga mga katawhan. . .

Pila ang ania dinhi ug walay prayer kard’s sa pag-ampo, ipataas ang inyong kamot. Tan-awa, halos tanan. Karon, nasayod ba kamo nga kong ang atong Ginoo. . . Ug ako nagatuo nga buot Niya, kong Siya mao sa gihapon, kagahapon, ug sa palaabuton. Iyang buhaton ang pag palinya alang sa pagampo. Ang katawhan moduol Kaniya sa dakong linya, mga panon, Iyang gihikap sila, gipanalanginan sila. Usahay mohunong Siya ug moingon, “Kinsay mihikap Kanako?” Mitan-aw sa palibot,

ug gisultihan ang usa ka babaye kung unsa may iyang gihikap Kaniya; ug miingon nga ang iyang talinugo nawala na, ang iyang pagtuo maoy nakapaayo kaniya.

<sup>155</sup> Unsa kaha kon milingi siya ug miingon, “Ah, wala ako masayod, Ginoo, dugay na kini kanako”? Kini dili gayud mahitabo. Dili, walay mahitabo gayud. Dili.

<sup>156</sup> Maunsa kaha kong Iyang gisultihan ang babayeng Syrofinicianhon, “Tungod niining pulong nga imong giingon, ang imong anak nga babaye, ang yawa mipahawa na kaniya,” unsa kaha kong giingon, “Ah, karon Ginoo, gusto ko—ko nga Imong buhaton ang ingon *niining* paagiha”? Ang—ang yawa magpabilin ra gayud diha sa dalaga. Apan maoy iyang gipaabot nga maayo ang iyang anak sa paagi nga Iyang isulti nga mamaayo siya.

<sup>157</sup> Karon, gisultihan ta Niya, “Kon motuo ka lamang! Kong moingon ka niining bukira, ‘Bumalhin ka,’ ug dili ka magduhaduha sa imong kasing-kasing, kon dili nga motuo ka kong unsay imong giingon kini mahitabo, mabatonan mo kini. Kong kamo mag-ampo, tuhi nga imo na kining nadawat, ihatag kini kanimo.” Unsang saara!

<sup>158</sup> Karon ang tawo nga nagwali sa ebanghelyo nga mahugoy-hugoyon dili mutuo niana gayud. Siya milakaw padulong sa pultahan, mitan-aw, o mibarug didto, ug miingon, “Ah, lain na usab nga pundok sa mga balaan nga mga libud suroy,” ug mipahilayo. Nakita ninyo? Apan wala siya mahibalo nga kini mao ang tinagoan nga Pagkaon. Wala siya mahibalo nga kini ang butang nga tinago nga gililong kaniya. Wala kini niya hibalo. Kini—kini—kini maoy makalooloy, usa ka huna-huna nga hubo, talamayon, buta, ug wala mahibalo niini. Tan-awa? Usa kana ka dautang butang.

<sup>159</sup> O Dios, patya na lang una ako, apan ayaw ako himoa nga sama niana. Palabihon ko pa nga mamatay (oo, sir) kay sa magbuhat ako niana. Ug nagtuo ako nga ang matag usa kanato gusto, dili ba? [Ang Congregasyon miingon, “Amen.” —Ed.]

<sup>160</sup> Apan, karon, ang Dios nagsaad kanato niining mga butanga sa katapusan nga mga adlaw. Diha sa Malakias 4, nag-ingon nga si Jesus Cristo manaug ug ipakasama Niya ang iyang kaugalingon diha sa tawhanong unod sama sa Iyang gibuhat didto sa Sodoma. Tinuod kana. Ug ginaingon nga ang kalibutan anaa sa Sodoma nga kahimtang. Ug nag-ingon, “Maingon kini unya, nga ang Anak sa tawo igapadayag niadtong adlaw.” Tan-awa, kining Tawo nga mikanaug diha sa panagway sa usa ka tawo, nga mao si “Elohim,” pinaagi kang Abraham, sa wala pa moabot ang anak nga gisa-ad. Tan-awa kon unsa kadto, si Abraham miingon nga Dios kadto. Ug ang Biblia nag-ingon nga adunay tulo ka mga tawo ang miaabot kaniya, nagka-abog ang ilang mga bisti, nagalakaw, nanlingkod ug nanga-on sama

sa tawo. Ug si Jesus miingon, “Maingon sa panahon nga ang kalibutan mahisama na sa kahimtang sa Sodoma, unya ang Anak sa tawo magapadayag sa Iyang Kaugaligon pag-usab,” dili Anak sa Dios. Anak sa tawo, nakita ninyo, magpadayag sa Iyang Kaugaligon.

<sup>161</sup> Karon timan-e kana kong unsay giingon sa katapusan nga propeta, “Tan-awa Akong ipadala kaninyo si Elias nga propeta, ug iyang ipasig-uli ang—ang mga kasing-kasing sa mga anak balik sa mga amahan.” Tan-awa? Usa ka Mensahe aron sa pagdala kanila balik sa Biblia, ug ang Anak sa tawo magapadayag sa Iyang Kaugaligon niadtong adlaw. Ug nianang adlaw sa pagpatingog sa katapusang panahon sa iglesia, sa ika-pitong manulonda, ang mga tinago sa Dios igapahibalo na niadtong adlaw. Ang Pito ka mga Timri napadayag na. Ang mga tinago sa tanan nga mga kaiglesyahan ug mga butang, unsaon man nila sa pagkahimo, ug unsa tak—...naunsa, unsa may nakakahitabo.

<sup>162</sup> Tan-awa, sila wala masayod Niini. Si Jesus miingon, “Kamong buta nga mga Fariseo!” Siya miingon, “Kon ang buta magagoyud sa buta, dili ba sa gahong mangahulog silang duha?” Tan-awa, mao kana ang hinungdan nga kadtong mga tawhana wala makakita Niana.

<sup>163</sup> Ang tinago Niini, mao, kadtong mga Timri, ang matag usa niadto nga mga iglesya nanagbuhat ug kapunongan ug nahisakop sila niini, ug mao kana ang usa sa tinagong mga butang nga nasayop sa atubangan sa Dios. Nakita ba ninyo kini, Doctor Lee? Tan-awa, tutok. Mao kini. Mao kana ang butang diha niana. Kana maoy usa sa mga tinago. Ilang gihimong kapunongan ug, tan-awa, ug hingpit gayud nga nawala sa kabubut-on sa Dios. Ug kana igabutyag gayud sa katapusan nga mga adlaw, ug agakon ang katawhan, dili ngadto sa usa ka credo o sa usa ka denominasyon, apan ipabalik sa matuod nga Pulong. Ug ang tinuod nga Pulong moabot sa usa ka matuod nga pundok sa katawhan, ug ang Anak sa tawo magapadayag sa Iyang Kaugalian diha sa ilang taliwala, “mao sa gihapon, kagahapon, ug sa palaabuton.”

<sup>164</sup> Oh, my! Oh, gihigugma ko kana. Akong gihigugma—akong gihigugma ang pagpangandak Kaniya. Nahigugma ako sa—sa paghimo Kaniya nga daku sa atubangan sa katawhan. Dili na kinahanglan nga himoon ko pa Siya nga daku; tungod kay daku na Siyang daan. Hataas kaayo Siya nga dili mo Siya makab-ot, halalum kaayo nga dili mo Siya matugkad, halapad kaayo nga dili mo Siya magakos, apan adunay lugar sa imong kasing-kasing alang Kaniya. Dawaton mo ba Siya? Unsa ka kahibulongan ang atong Ginoo! Tinuod kana.

<sup>165</sup> Karon maghilum ta pag-ayo, ang tanan. Karon nakahisgot ta mahitungod Niini. Ug karon ang butang niini, mao, mao Kining

tinuod ba? Karon, tingalig adunay uban nga mga dumoloong dinhi. Tingalig makaingon ako kon...kanimo, kon si Cristo mao sa gihapon, karon, ug sa palabuton, unsa may Iyang pagabuhaton sulod niining mga gutlo-a? Iyang pagabuhaton ang samang butang nga Iyang gibuhat sa dinhi pa Siya kaniadto. Tinuod ba kana? Ang pagtuo sa mga katawhan maoy mohikap sa Iyang kupo, ug unya molingi Siya. Sama sa Iyang gibuhat sa babaye didto sa atabay, ug gibuhat Niya sa lain nga mga dapit, ug Iyang nasabtan ang ilang mga huna-huna.

Karon, moingon kamo, “Makahimo ba Siya sa pag-ayo kanako?”

<sup>166</sup> Ang Iyang mga Pulong nag-ingon nga tapus na Niya buhata kana. Apan ang butang niini mao, mao, ang pagpaila sa Iyang Kaugalingon nga Siya ania.

<sup>167</sup> Karon, kon mipakita Siya kanato diha sa lawas nga mahikap, nakita ng tukma gayud sama sa kang Hofmann nga *Ulo ni Cristo sa Katlo-an ug tulo*, ug ang dugo naga-agas gikan sa Iyang kamot, ug sa uban pa, agi sa lansang tanan diha Kaniya, dili ako makadawat niini. Dili, dili, Dili, dili. Kong moanhi Siya, sa Kinaugalingon, “Ang tanan mata makakita Kaniya, ang tanan dila magsugid Kaniya; ug maingon nga kilat moabot gikan sa Silangan padulong sa Kasadpan, maingon usab unya niini.” Tan-awa? Wala ta magtuo sa mga mini ug sa mga grupo. Kita nagatuo sa Dios nga mao ang Pulong.

<sup>168</sup> Apan gisul-oban Niya ang Iyang Kaugalingon ug lawas, mikuha sa imong lawas ug sa akong lawas, ug gihatagan kamo ug mga gasa, gihatagan ako ug mga gasa, ug pinaagi nianang mga gasa na Iyang gipadayag ang Iyang kaugalingon. Mao kana ang tinago nga Pagkaon. Walay sapayan kon kapila Niya mahipadayag ang Iyang kaugalingon pinaagi kanako, kinahanglan nga motuo kamo Niini, kinahanglan nga makabaton kamo ug gasa sa pagtoo, usab, aron sa pagtoo Niini. Motuo ba kamo niana? [Ang Kongregasyon, “Amen.”—Ed.] Ug karon kon Iyang ipadayag ang Iyang kaugalingon niana nga kahimtang, toohan ba ninyo Siya? [“Amen.”] Sa tibuok ninyong kasing-kasing, motuo ba kamo Kaniya? Oh, unsa ka kahibulongan, maghulat lamang Kaniya, maghulat lamang aron sa pagtan-aw kong unsay Iyang iga-ingon.

<sup>169</sup> Aniay usa ka tawo nga nagabarog dinhi. Wala ko gayud siya makita sa akong kinabuhi, maingon sa nasayran ko. Tan-awon samag usa ka maayo, kusgan, himsog nga tawo, ug tingalig siya maoy, ako—ako—ako wala masayod. Apan siya mao ang nagabarog dinhi. Karon, mahimong moanha ako aron pandungan kanang tawhana ug magaampo alang kaniya, pangutan-on kon motuo ba siya. Mahimong motindog siya diri ug sultihan niya ako, nga maga-ingon, “Ako—ako—ako buot nag-ampo alang kang *Kinsa ug kinsa*. Ug ako—ako nabalian ug

bukog sa likod. Adunay akong sakit sa ulo, kanunay. Adunay akong ulcer sa akong tiyan,” o usa ka butang. Siya—siya, wala ako mahibalo. Siya makahimo sa pag-ingon sa bisan unsa nianang mga butanga.

<sup>170</sup> Miingon ako, “Maayo kana, sir, igsoon. Akong gipandong ang akong mga kamot kanimo ug magaampo alang kanimo.” Kana maoy labing hingpit kaayo. Kana maoy tukma kong unsay atong gibuhat ngadto sa tanan panahon. Husto ba kana?

<sup>171</sup> Apan, hinumdumi, si Jesus miingon nga kini lahi kay sa panahon sa Iyang Pagbalik, sama kanhi sa mga adlaw sa Sodoma. Ug ang Tawo nga mitungha, nagtalikod sa tolda diin si Sara anaa didto, ug miingon Siya, (dili na ako si “Abram,” karon) “Abraham.”

<sup>172</sup> Tan-awa, siya si Abram kanhi, sa unang adlaw. Apan iyang gikahinagbo ang usa ka panan-awon, ug ang Ginoo nagsulti kaniya niana nga, “Akong ilisan ang imong ngalan.”

<sup>173</sup> Ug ania ang Ginoo, Siya lamang, sa dagway sa usa ka tawo, mikaon, ug miinom uban kaniya. Nga miingon, “Abraham, hain man ang imong asawa, nga si Sara?” S-a-r...r-a-h; dili S-a-r-r-a.

Siya miingon, “Anaa siya sa tulda, sa likod Mo.”

<sup>174</sup> Miingon, “Duawon Ko kamo, sumala sa Akong saad mga kaluhaan na ug lima ka tuig kadto.”

<sup>175</sup> Ug si Sara nahikatawa sa iyang kaugalingon, Siya miingon, si “Sara mikatawa sa sulod sa tolda, ug nag-ingon, “Unsaon man sa pagkahimo niining mga butanga?” Aduna bay butang nga malisod sa Dios? Tan-awa? Wala. Wala sir.

<sup>176</sup> Karon Siya miingon, si Jesus nagsaad nga, “Siya, ang Anak sa tawo,” nga mao ang Pulong, (motuo ba kamo niana?) “nga moanhi sa katapusan nga mga adlaw ug magpadayag sa Iyang kaugalingon sa panahon nga ang kalibutan mahisama na sa Sodoma ug Gommora.” Motuo ba kamo nga kana tinuod?

<sup>177</sup> Sa dili pa kita mag-ampo ug usa, ang uban kaninyo diha niana mag-ampo ug tan-awon kong ang Anak sa tawo nagpabilin pa ba nga mao kagahapon, karon, ug sa palaaboton. Pangotan-a lang Siya kong mao, ingna, “Ginoo, kanang tawhana wala masayud kanako, apan nahibalo ako nga Ikaw mao sa gihapon, karon, ug sa palaabotan,” tan-awa kong nag-ingon ba Siya niana kaninyo.

Oo, sir, Karon ihangad una ang inyong mga ulo sa makadiyot.

<sup>178</sup> Anaa kini sa akong likod. Kini usa ka bata. Nagdilaab kini sa kainit karon tugod sa hilanat. Usa kini ka batang babaye. Dili ka taga dinhi. Ang bata anaay sakit sa tiyan. Anaa gayud kini. Tuohi lamang.



179 Karon, mao ba kana ang Iyang giingon nga Iyang pagabuhaton? Wala ko gayud makita kanang tawhana sa akong kinabuhi. Nasayod ang Dios sa Langit niana.

180 Kining lalaki dinhi, kusgan ug himsog siya nga tan-awon. Apan tan-awa kanang landong nga anaa sa ibabaw niya? Kana nagahulogan nga, gawas kon tabangan siya sa Dios, dili siya magdugay dinhi. Anaay iyang cancer. Anaa kini sa imong baga.

Karon, ang Anak sa tawo ania.

Adunay kaguol sa iyang kasing-kasing alang sa usa ka batang lalaki, usa ka gamay'ng bata. Husto ba kana? Motuo ka ba nga ang Dios makahimo sa pagtug-an kanako kong unsay nahitabo niana nga bata? [Ang igsoong lalaki miingon, "Nahibalo ako nga siya makahimo."—Ed.] Makahimo Siya. Adunay iyang pagpangalipong sa gidugayon nga sama sa matang sa patol. Dili pa ang kadugayon siya gi-ataki niini. ["Niining buntaga."] Husto kana, niining buntaga. Ug motuo ka ba nga mabuhi ka aron nga atimanon kanang maong bata, ug mamaayo siya? ["Oo."]

181 Hain man si Charlie Cox karon? Hain man siya karon? Charlie hain ka? Nagtoo ako nga ania siya dinhi niining gabhiona. Dinhi, Charlie. Gary, hain ka man? Si Larry, ania ba siya? Ang iyang gamay'ng bata nga lalaki adunay sama niining butanga, manag sama gayod nga butang. Hain ka, Larry? Umari ka sa makadiyot. Ah, ania ka na. Kining gamay'ng bata dinhi adunay managsamang butang. Ang iyang amahan ug inahan akong mga higala. Sa milabay nga mga katuigan samtang didto ako, ug kining gamay'ng bata magakalipong, ug kadiyot ug dayon mawala. Patol kana. Natan-aw ko kini diha sa gamay'ng bata, nag-ampo ako sa Dios nga ayuhon siya. Wala na gayud siyay sakit gikan pa niadto. Mao kana ang iyang amahan; ang iyang inahan nia ra usab dinhi nagalingkod; ug nia ang gamay'ng bata, mismo.

182 Karon matuo ka ba, sir? (Salamat kanimo, Larry.) Motuo ka ba, sir? Hinaut nga ang Dios sa Langit mohatag sa samang butang kanimo, ug mabuhi aron mag-atiman sa bata. Ang Dios magapanalangin kaninyo.

Mag-ampo kita.

183 Minahal nga Dios, tabangi siya. Ako naga-ampo nga ang Imong kalooy ug grasya magapaibabaw kaniya ug magapanalangin kaniya. Sa Ngalan ni Jesus.

184 Balik ngadto sa Louisiana karon, nga malipayon, dayega ang Dios tungod kaniya.

185 Ay, oo, siya taga Louisiana, husto kaayo, didto sa Lanaw sa Charles. Husto. Tan-awa, nahibaloan ko na ang inyong hunahuna karon. Sa Dios ang pagdalayeg!

<sup>186</sup> Ah, nangayo ikaw ug usa—usa ka maayong butang, gusto ka nga makabaton ug anak. Aduna nay imong mga anak, pipila ka mga anak, apan gusto mo pa ug laing usa. Hinaut nga ang Dios sa Langit magahatag niini kanimo, akong igsoon nga babaye. Dali ngari, gusto ko lang nga pandungan ka.

<sup>187</sup> Minahal nga Dios, ihatag sa babaye ang gitinguha sa iyang kasing-kasing, tungod kay kini maoy usa ka takos nga katuyoan. Sa Ngalan ni Jesus, Amen.

Karon lumakaw ka ug dawata ang imong anak.

<sup>188</sup> Ang Dios maoy usa ka maayong Dios. Motuo ba kamo niana? [Ang Kongregasyon miingon, “Amen.”] Siya nahibalo sa tanan nga atong gikinahanglan. Siya maoy nagasangkap sa tanan nga atong gikinahanglan kung atong tuohan kini. Siya nag-ingon, “Kon motuo ka lamang!”

<sup>189</sup> Nakalamano ako sa imong kamot kanhi. Wala na ako mahinumdom kong diin kadto, apan didto nakalamano ako sa imong kamot. Wala na ako mahinumdom pag-ayo, apan naglamano ta sa usa ka dapit, apan wala na ako mahibalo kong diin kadto, apan dili kana kong diin, nga ania ta dinhi aron maoy hisgotan. Ania kamo dinhi aron sa pag hisgot sa, o sa pagpaampo, gusto usab ninyo nga akong maampo-an ang si bisan kinsa. Husto kana. Wala siya dinhi. Atua siya sa Georgia, masakiton. Dili lamang nga siya masakiton sa lawas, apan sa spiritohanon usab siya masakiton; ang imong ig-agaw. Motuo ba ikaw nga ang Dios maga atiman niini tungod kay ikaw nagbarog alang kaniya? Gitoohan mo? Dali ngari ug maghiusa ta sa pag-ampo.

<sup>190</sup> Minahal nga Dios, itugot niining lalakeha ang gitinguha sa iyang kasing-kasing, aron nga siya molakaw ug mangita niining tawo nga naga hilak alang sa Dios. Sa Ngalan ni Jesus ako kining gipangayo. Amen.

Ang Dios magapanalangin kanimo. Ayaw pagduhaduha. Toohi sa tibuok mong kasing-kasing.

<sup>191</sup> Kumosta ka? Dili mao nga wala ko kab-ota ang inyong kamot aron komustahon unya, sa dihang imong gipagawas ang imong kamot, aduna akoy namatikdan nga usa ka butang. Usa kadto ka landong, mangit-ngit kaayo ug maitom. Mao kana ang hinungdan. Nasayod ako nga gikuha ko ang imong kamot, nahibaloan ko ang maong paagi, tan-awa. Apan kini usa ka cancer. Motuo ba ikaw nga ang Dios makahimo sa pagkuha niini? Anaa kini sa imong dughan, sa wala dapit. Buot ba nimo nga mobalik sa Carolina ug magdayeg sa Ginoo tungod kay giayo kana, di ba? Nakita ninyo unsay buot nakong ipasabot? Mag-ampo ta.

<sup>192</sup> Minahal nga Dios, sa Ngalan ni Jesus Cristo, ang Bugtong nga Ania karon; ang mga anak nga nanagpangaon sa Tinapay sa Dios, hinaut nga kining bata usab magapahimulos sa pagtoo, ang

Tinapay sa Dios nga Iyang gihatag kaniya karon alang sa iyang kaayohan. Hinaut nga siya molakaw ug maayo na, sa Ngalan ni Jesus, Amen.

Ang Dios magpanalangin kanimo, igsoon. Motuo ka sa bug-os mong kasing-kasing.

Kumosta ka?

<sup>193</sup> Dili ba kini usa ka kahibulongan nga panahon? Sama sa makalilisang nga tan-awon nga ana-a sa ibabaw sa katawhan. O kaha, daw ingon niini paminawon, ang akong mga igdulongog, daw ingon sa adunay nagapadayon, [Si Igsoon Branham mihuyop sa micropono—Ed.] “Wo!” Nagabuhat lamang ug usa ka kabanha, sama niini, “Wo,” ingon niana, tan-awa. Kini maoy Tinapay alang sa mga anak. Nakita ninyo? Inyo kana, Alang kana kaninyo. Dili kana alang kanako; alang kana kaninyo. Ako nagpasalamat gayud, sa tukmang panahon karon, wala ako. . . Himsug ako, sa akong nahibalo-an; apan Kini tinapay alang kanako, usab, kung kini akong kinahanglanon. Kini Tinapay alang kanimo. Kini pagpadasig. Bisan kanimo nga walay sakit, kini nagadala sa atong kasing-kasing sa atubangan sa Dios.

<sup>194</sup> Tukma gayod kini niining panahona, kong unsay Iyang giingon Iyang pagabuhaton, “Ug maingon sa mga adlaw sa Sodoma, ingon unya niini ang pag-abot sa Anak sa tawo, sa dihang ang Anak sa tawo igapadayag na.” Nakita ninyo? “Ug, tan-awa, Akong ipadala kaninyo si Elias nga propeta sa dili pa moabot ang dako ug makalilisang nga adlaw ni Jehovah. Iyang pabalikon ang mga kasing-kasing sa katawhan balik sa Amahan.” Nakita ninyo? Nakita ninyo?

<sup>195</sup> “Ug unya ang mga matarong magalakaw sa ibabaw sa—sa abo, sa mga dautan.” Sila mangasunog sama sa hudno, tan-awa, maingon niini ang yuta. Atong makita nga kini padulong sa pagkahulog sa umalabot. Ug ang gagikan sa bulkan moka nap sa kayutaan, ug ang langit magkalayo.

O Bato sa Kapanahonan, malooy ka kanako karon, ug sa dayon.

<sup>196</sup> Kumosta ka? Ah, ang usa ka butang, aduna kay gibati sa imong pagka dalaga, balatian sa babaye. Aduna pay lain butang. Malisangon ka, nianang mga panuigona moturok na ang kalisang. Kayamukat sa tanan matang. Apan adunay imong tinguha, usab, nga mao kana ang pagdawat sa Espiritu Santo. Husto kana. Mao gayud kana. Motuo ka ba nga imong. . . Gisugid mo na ba ang tanan butang? Motuo ka ba kong ipan-dong ko ang akong mga kamot sa ibabaw mo ug hangyoon ang Dios sa pagbuhat niini, ang Espiritu Santo moanha? [Ang igsoong babaye miingon, “Oo.”—Ed.] Motuo ba ikaw niana? [“Oo, sir.”] Mag-ampo ta.

<sup>197</sup> Minahal nga Dios, akong gipandong kining akong mga kamot sa ibabaw niining bayhana, diha sa apostolikanhong

paagi, ug nagapangamuyo nga iyang madawat ang bautismo sa Espiritu Santo. Sa Ngalan ni Jesus Cristo, hinaut nga iyang madawat Kini. Amen.

<sup>198</sup> Ayaw pagduhaduha niini. Anaa na kini kanimo, tan-awa. Naimo na kini. Mao kini ang—ang Tinapay sa mga anak.

<sup>199</sup> Anaay usa ka gamay'ng makapahimuot nga pagbati sa akong pag-ingon nga, “balatian sa babaye,” dili ba? Tungod kay mao kana ang imong naangkon, usab. Karon nagatoo na ikaw nga mamaayo ka karon? Lakaw, pasalamat lamang ang Ginoo.

<sup>200</sup> Kumosta ka? Nagatoo ba ikaw sa tibuok mong kasing-kasing? Motuo ba ikaw nga makahimo ka na sa pagkaon sama sa naandan sa dugay na nga mga panahon? Maayo. Lakaw, ug moingon, “Salamat Kanimo, Ginoo. Ako nagatoo niini.” Ang Presensya sa Ginoo.

<sup>201</sup> Nagatoo ba ikaw nga kanang sakit sa likod mohawa kanimo ug nga mamaayo ka na? Oh sige, lakaw lamang, nga magaingon, “Salamat Kanimo, Minahal nga Dios,” ug ang Dios magahatag niini.

<sup>202</sup> Motuo ba ikaw nga mamaayo ka, ang Ginoo maoy magaayo kanimo; ug mawala na ang imong arthritis, magmaayo ug mahimsog? Nagatoo ba ikaw niana? Lakaw, nga mapasalamaton Kaniya, nga magaingon, “Ginoo, akong gidawat kini uban sa tibuok kong kasing-kasing, ug ako magatoo Niini.”

Unsay inyong gibuhath kamong tanan nga anaa sa gawas nagatoo ba kamo mahitungod Niini?

<sup>203</sup> Ikawng nia dinhi, ipandong ang imong kamot sa ibabaw nianang babaye nga nagalingkod diha sa sunod nimo, ingna siya nga ang varicos ug ang arthritis mobiya kaniya. Kon siya . . . ? . . .

<sup>204</sup> Ang Dios magapanalangin kanimo. Motuo ba ikaw nga mamaayo ka karon. Magapauli ka sa imong balay ug maga . . . Ang Dios magapanalangin kanimo. Lakat ngadto sa imong adtoan, ug ingna, “Salamat Kanimo, Ginoong Jesus.”

<sup>205</sup> Kumosta ka? [Ang igsoon nga babaye miingon, “Dalaygon ang Ginoo.”—Ed.] Nagatoo ba ikaw nga ang balatian sa babaye mopahawa diha kanimo, usab? [“Oo.”] Ug nga mamaayo ka? [“Salamat Kanimo, Jesus.”] Lakaw, ug ingna, “Salamat Kanimo, Ginoo.” [“Salamat Kanimo, Jesus.”]

<sup>206</sup> Kumosta ka? [Ang igsoon babaye miingon, “Nahuslo ang ulang-ulang sa bukog.”—Ed.] Ngano man, na, na! [“Totten.”] Nahibalo ako sa imong ngalan. Kanunay Ako—ako sa . . . [“Totten.”] sa nag pastor pa ako sa iglesia sa Baptist. [“Totten.”] Totten. [“Delia Totten.”] Igsoon Della Totten. Ikaw nag-antus sa sakit sa imong likod karon. [“Oo.”] Kini mamaayo gayud. Ikaw motuo ba nga Siya maga-ayo kanimo? [“Oo.”] Nahinumdom ka pa ba kong unsay nahitabo didto sa Milltown Baptist nga iglesia sa milabayng mga katuigan? [“Oo, nahinumdom pa ako niana!”]

Siya mao ra sa gihapon nga Dios karon. [“Oh, salamat sa Dios!”] Ang Dios magapanalangin kanimo, akong igsoon nga babaye.

George Wright, hain ka? Nahinumdom ka pa ba? Ay, unsaon. . .

Motuo ba ikaw, nga kung akong ipandong ang akong kamot sa ibabaw mo, uban niining dihog, motuo ba ikaw nga mamaayo ka? Dali ngari. Sa Ngalan ni Jesus Cristo hinaut nga siya mamaayo. Amen. Batoni ang pagtoo!

Ah, motuo ba kamong tanan uban sa bug-os ninyong kasing-kasing? [Ang Kongregasyon miingon, “Amen.”—Ed.]

<sup>207</sup> Karon, unsa ka maayo nga dad-on kadtong karaang handumanan, aron sa pagtan-aw nianang babaye! Wala ko mahinumdom sa iyang ngalan, apan bisan pa, ako. . . [Adunay usa nga miingon, “Totten.”] Totten. Totten, husto kana. Ay, oo, ang iyang anak nga babaye mao si Birdie, husto kana, Husto kaayo kana. Ayaw paghunahuna nga wala na ako sa akong kaugalingon, May diotay lang ako, nahibalo kamo, kini ingon ug usa ka. . . Dili ko kini ikasaysay.

<sup>208</sup> Apan kanang imong sakit sa likod nawala na, babaye. Lakaw, dayega ang Ginoo, ug ingna nga, “Salamat Kanimo, Ginoo.”

<sup>209</sup> Motuo ba ikaw nga ang imong sakit sa kasing-kasing mamaayo, usab? [Ang pasyente miingon nga, “Oo,”—Ed.] Lakaw na, pagkalipay, ug ingna nga, “Salamat Kanimo, Ginoong Jesus,” ug too Niini. Maayo gayud. Batoni ang pagtoo karon. Ayaw pagduhaduha.

<sup>210</sup> Duol ngari, babaye, Nagatoo ba ikaw uban sa tibuk mong kasing-kasing? Nagbaton ka ug daghan mga butang nga dili maayo diha kanimo. Anaay imong sakit sa likod, usab. Motuo ba ikaw nga ang Dios moayo kanimo? Maayo, lumakaw ka, pagmalipayon. Kana, kana Siya ang naghimo kanimo sa pagbati nga ingon niana. Pasalamat ang Ginoo. Ang Dios magapanalangin kanimo, igsoon nga babaye.

<sup>211</sup> Hay, sonny. [Ang lalaki miingon nga, “Hay!”—Ed.] Motuo ba ikaw nga ang Dios maayo sa kamalisangon nianang bataa ug nga mamaayo kini? Motuo ba ikaw niini? Padayon ta. Hay, kauban, palamanoha ako sa imong kamot.

<sup>212</sup> Minahal nga Dios, kuhaa kanang dautan nga butang gikan niining gamay’ng bata, ug hinaut nga mabuhi siya ug mabalik sa naandan. Sa Ngalan ni Jesus. Amen.

<sup>213</sup> Ang Dios magapanalangin kanimo, igsoon nga lalaki. Motuo ba ikaw niana, dili ba? Ug mamaayo ka. Ayaw pagduha-duha sa tanan.

<sup>214</sup> Kusgan ug batan-on pa nga magabaton ug sakit sa kasing-kasing. Motuo ba ikaw nga ang Dios magaayo kanimo? [Ang

pasyente miingon nga, “Oo, sir.”—Ed.] Lakaw, ug ingna nga, “Salamat Kanimo, Ginoo, sa imong pag-ayo kanako.”

215 Motuo ba ikaw nga ang Dios moayo sa sakit sa tiyan ug mamaayo ka? Lakaw dayon, pagkalipay, ug ingna nga, “Salamat Kanimo, Ginoo.”

216 Siya nagpabilin nga Dios, dili ba Siya? [Ang Kongregasyon miingon nga, “Amen.”—Ed.] Ang bugtong butang nga inyong pagabuhaton mao ang pagtoo lamang. Dili ba husto kana? Motuo ba kamo sa Anak sa tawo niining katapusan nga mga adlaw?

217 Adunay butang nga nahitabo dinhi dili pa lang dugay, ug dili ako. . . gisulayan ko pagpangita kong asa na kadto karon. Adunay uban nga may pagtuo ug nakabuhat ug mga butang. O, tingali’g kuhaon ko sila sa umalabot nga Dominggo, o kaha kon makahimo ako. Ikaw ba—ikaw. . . Anaa na usab. Ipataas ang imong kamot. Mutoo ba ikaw nga ang Dios makaayo nianang sakit sa kasing-kasing, maga-ayo kanimo, ayuhon ang imong dalaga didto uban—uban. . . Motuo ba ikaw niini? Mrs. Neff, mutoo ba ikaw nga ang Dios. . . Leo Neff. Wala ako makaila kanimo, apan nga mao kana ikaw. Anaay imong sakit sa kasing-kasing, ug ang imong gamay nga babaye anaay sakit sa kidney. Mutoo ba ikaw nga siya mamaayo? Ang imong pagtoo maoy makapa-ayo kanimo. Toohi sa tibu-ok mong kasing-kasing.

218 Kamo diha nga anaa sa likod diha sa lanaw, nga nagabarog diha nga may sakit sa tiyan, si Jesus Cristo magaayo kanimo.

219 Nagtoo ba kamo? [Ang Kongregasyon miingon nga, “Amen.”—Ed.] Siya mao sa gihapon, karon, ug sa palaabotan. Atong ipandong ang atong mga kamot sa ibabaw sa matag usa karon. Oh, pamalandunga ang takna kong asa na kita karon, pamalandunga ang takna. Pamalandunga nga ania ta gayud sa Presensiya ni Jesus Cristo, ang Anak sa Dios. Nagsaad Siya nga Iyang buhaton kini niining kataposang mga adlaw. Adunay mga panyo nga akong pagapandungan.

220 Minahal nga Dios, ako naga-ampo nga Imong panalanginan kining mga panyo alang sa kaayohan sa mga lawas sa katawhan, pinaagi sa Ngalan ni Jesus Cristo.

221 Karon, uban sa inyong mga kamot sa ibabaw sa usag usa, ang matag usa kaninyo sakop sa Lawas ni Cristo. Mao ra nga Espiritu Santo nga nagsaad sa pagpadayag sa mga tinagoan sa mga kasing-kasing ug nagbuhat niining mga butanga, Siya anaa kaninyo. Ikaw kabahin Niya, ug Siya kabahin nimo. Karon, Siya nag-ingon niini, “Kining mga ilhanan magasunod kanila nga nagatoo.” Mao kana kamo. “Kong ilang ipandong ang ilang mga kamot sa masakiton, manga-ayo sila.” Karon, ayaw pag-ampo alang sa imong kaugalingon, pag-ampo alang sa usa nga imong gipandongan sa imong kamot, tungod kay sila naga-ampo alang kanimo. Karon mag-ampo kitang tanan, ug hinaut unta nga walay usa nga maluyahon nga tawo dinhi niining maong

gambalay. Ngano man nga magahulat pa kita ug dugay, akong mga minahal nga igsoon nga lalaki, ug babaye, nia mao Kini, ang Espiritu Santo, ang Dios, ania dinhi karon, ang maong butang nga atong gihisgotan.

<sup>222</sup> Minahal nga Jesus among giila ang Imong Presensiya. Imong gipabalik ang kinabuhi niadtong gamay'ng bata sa miaging adlaw, human nga kini mamatay, pinaagi sa pag-ampo nga may pagtuo. Minahal nga Dios, adunay daghan dinhi nga dili namo maduol, ang panahon natapos na, apan ilang gipandong ang ilang mga kamot sa ibabaw sa usag usa. Sila mga magtotoo. Nagalingkod kami sa Presensiya ni Ginoong Jesus Cristo, nga nabanhaw gikan sa mga patay, nga mao sa gihapon, karon ug sa palaabotan.

<sup>223</sup> Satanas, napilde kana! Si Jesus Cristo ang nagpilde kanimo! Nabanhaw Siya gikan sa mga patay ug mibarog sa among taliwala niining gabhiona, nga nagapaluyo niini nga Mensahe sa katapusan nga mga adlaw. Gomula ka gikan niining mga tawhana! Biya—i sila, sa Ngalan ni Jesus Cristo! “Sa Akong Ngalan ilang pagula-on ang mga yawa,” ug gipagula kana. Sa ngalan ni Jesus Cristo, biya niining kongregasyon!

<sup>224</sup> Ang matag usa kaninyo karon nga nagadawat sa inyong kaayuhan, manindog kamo. Ang matag usa nga midawat sa kaayohan, manindog kamo. Ipataas ang inyong mga kamot karon ug ihatag Kaniya ang pagdayeg!

“Ako na karong nadawat ang akong kaayuhan,” isulti kana ngadto sa Dios. Ako na karong nadawat ang akong kaayohan. [Ang Kongregasyon miingon nga, “Ako na karong nadawat ang akong kaayohan.”—Ed.] Ikaw mao sa gihapon, karon, ug sa palaabotan, si Cristo. [“Ikaw mao sa gihapon, karon, ug sa palaabotan, si Cristo.”] Mitoo na ako karon Kanimo. [“Mitoo na ako karon Kanimo.”] Tabangi ang akong pagka dili matinoohon.” [“Tabangi ang akong dili pagka matinoohon.”] Amen. [“Amen.”]

Dayegon ko Siya, dayegon ko Siya,  
Dayega ang Korderong gipatay alang sa  
makasasala;  
Himayaon Siya, sa tanang katawhan  
Sa Iyang dugo nahugasan atong mga  
kahugawan.

<sup>225</sup> Nahigugma ba kamo Kaniya? [Ang Kongregasyon miingon nga, “Amen.”—Ed.] Busa dayegon ta Siya. Kitang tanan, nga nagbayaw sa inyong mga kamot, ihatag ngadto Kaniya ang pagdayeg, samtang ang igsoon nga lalaki moari aron sa pagpagula kanato.



*ESPIRITUHANONG KALAN-ON ALANG SA HUSTONG PANAHO* CEB65-0718E  
(Spiritual Food In Due Season)

Kining Mensahe ni Igsoong William Marrion Branham, Unang giwali sa pinulungang Ingles niadtong Domingo sa gabii Hulyo 18, 1965 sa Tabernakulo nga Branham sa Jeffersonville, Indiana, U.S.A., mao'y gikuha gikan sa usa ka magnetik teyp recording ug giimprinta sulod niini sa hingpit sa pinulungang Ingles. Kining paghubad sa pinulungang cebuano giimprinta niining tuig nga 2001 sa:

CEBUANO

©2001 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)



## Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)